

易
象
通
義

易象通義序

易有義而象以立有象而義以明義猶人之四
端萬善也象猶人之五官百骸也是故易所重
者義理而象數亦不可廢明象正所以明義豈
有二哉夫不知易冒天下之道以貫通于窮理
盡性開物成務之全而徒于卜筮求義者其于
義猶拘墟也不知易極天下之變以會通于剛
柔摩盪參伍錯綜之妙而徒于爻辭求象者其
于象猶隔膜也卦變互體左傳已發其凡實爲
彖爻取象之樞紐後人推之有精而益密者

如郝

仲與一畫成象二畫成象

有鑿而無當者

如卦變圖

合體成象伏卦成象之類及先天橫方圓圖之類

于其精而益密者誤舍之則象象

漫無根著乾何以象飛龍坤何以象牝馬初九何以象潛九二何以象田三百八十四爻盡成活套矣于其鑿而無當者誤取之則卦位大肆更張孔子既異文王文王復異伏羲先後理更不符天地位且不定三聖六十四卦沒入異端矣自晉以前譏緯卦氣納甲飛符之術亂之于易外而易存自宋以後先天卦序橫圓方圖之說亂之于易中而易亡漢學鄭康成諸人之說

業已散佚惠氏棟雖因王伯厚采輯鄭注之舊
更加搜纂只存梗概惟晉王輔嗣注自唐以來
頒立學宮號爲近古雖有掃除象數之嫌而解
義明正十居六七故程伊川王伯厚諸儒亟取
之范甯斥其老莊解易乃一時之衡言伯厚辨
之詳矣且縱有涉于老莊者其精解獨不可擇
而取之乎至于孔冲遠正義陳振孫謂實非一
手一足之力張唐英稱其發明三聖之旨通貫
萬化之蘊黃東發稱其訓詁用意良苦如漢馬
鄭之流王禕稱其爲學者之宗師百世之所取

信斯爲定論胡一桂譏其敷衍義理象數之學
未能卓有所見皆門戶謬妄之談何足據哉其
書雖以王輔嗣韓康伯注爲主而兼取百家包
羅萬有初非王韓所能籠罩誠得明者決擇實
學易之標準也此外精于義理者以義理取之
仁者見之謂之仁也不涉老莊禪寂仁之善者
矣明于象數者以象數取之知者見之謂之知
也不假河洛先天知之善者矣先是予于讀書
類紀中有讀易定論雜論附論諸說胸中稊稍
就緒乃取諸家之說依注疏本條敘纂之鄙見

亦附著其間與讀易諸論實相經緯題之曰易
象通義非敢妄謂合于貫通求義會通求象之
云然安可以得當之難而自絕于希通哉劉器
之曰象數可廢無易矣不說義理又非通論此
蓋區區微意所在也夫道光七年歲次丁亥孟
秋六月二十日榆村秦篤輝序于墨緣館

凡例

義者象之所以然象者義之所當然論所以然有義而後有象論所當然通象而後通義故謂易象通義

義理無象必卽象以明之所謂我欲託之空言不如見諸實事之深切著明也惟因義理著象而象亦可以卜筮義理是體象是用卜筮又用之一端耳或因用一端遂謂易爲卜筮作非爲義理作不亦癩乎大約有義卽有象有象卽有數有數卽可卜今有用論語卜

三百三十五
者亦多驗豈論語亦爲卜筮作乎

取象不外陰陽剛柔然上天下地遠物近身
何以必取諸此不取諸彼其中有確切不移
之準讀者能就象一一著明其義自顯不必
別求一解也雖文王之文周公之才之美不
能憑空結撰卽空撰出亦泛而不切無足貴
矣或者謂聖人自取象明爻義實無一象自
取也首宜知此六十四卦三百八十四爻方
有歸著皆因其固然而不與之以私也此所
以爲簡易也特必文周始能觸類引伸必孔

子始能切實印證耳蓋諸卦之綱領非繫辭傳不明諸卦之次第非序卦不明諸卦之對待非雜卦不明諸卦之取象非說卦不明微顯闡而幽開實在於是無一虛設也舍畫言象舍參伍錯綜言象舍當名辨物雜而不越言象不必言象矣舍十翼言易不必言易矣有本卦本爻取象者如坤☷爲黃爲裳六五有黃裳象之類有本爻變卦取象者如乾☰初九潛龍勿用因變震☳爲龍之復☲爲潛龍之類左傳引易多用此例有本爻互卦取

象者如屯䷂六三六四九五三畫互艮三艮
爲山鹿山獸林山木有鹿入林中象之類有
本爻變卦互體取象者如乾䷀九四變小畜
䷈二三四畫互兌三兌爲澤有淵象之類左
傳亦用此例莊公二十二年陳侯遇觀之否
曰風爲天于土上山也杜注否䷋自二至四
有艮象艮爲山是也有本爻伏卦取象者如
蒙䷃六四居艮伏兌三成困䷮有困蒙象之
類有本爻一畫取象者如一畫卽爲乾一畫
卽爲坤一畫在下者爲震三一畫在中者爲

坎三一畫在上者爲艮三一畫在下者爲巽
三一畫在中者爲離三一畫在上者爲兌三
有本爻二畫取象者二在下者卽爲震二在
中者卽爲坎二在上者卽爲艮二在下者卽
爲巽二在中卽爲離二在上卽爲兌有三爻
四爻錯綜取象者如泰三三互歸妹三六五爻
辭俱云帝乙歸妹是也有上下卦合體成象
者如離三外剛內柔爲龜頤三損三益三三
卦中虛全體象離故頤云靈龜損益亦云十
朋之龜是也坎三剛中爲棟大過三中四畫

皆剛象坎故亦云棟也有卦名取象者如訟
䷅九四復卽命小畜䷈初九復自道皆以一
陽在乾下有復象之類是也有假借取象者
如坎䷜六四簋貳以三四五畫互艮損䷨二
簋象艮以簋字中從艮也又如睽上九之鬼
借作睽中孚九三好爵借作烏爵噬嗑借作
市合履借作禮之類是也以上分例如此一
爻兼數例取象者甚多所謂參伍以變錯綜
其數也易象千變萬化執一以求必不合矣
王氏應麟曰鄭康成多論互體左氏以來有

之凡卦爻二至四三至五兩體交互各成一卦是謂一卦合四卦繫辭謂之中爻所謂六爻相雜唯其時物雜物撰德是也惟乾☰三坤☷三純陽純陰無互體餘皆有坎☵三互艮震☳三亦互離☲三亦互兌☱三亦互巽☴三亦互震☳三亦互坎☵三亦互離☲三亦互兌☱三亦互巽☴三亦互

離此外可以類推

顧氏炎武曰本義不取互體惟大壯☳五六云卦體似兌有羊象焉不言互而言似創易例所未有不如言互體矣大壯自三至五成兌兌爲羊故爻辭並言羊

三百二十四字
自儒者不論互體卦變易象不明

欽定周易述義多舉互體兼及卦變真可謂讀
易指南

師䷆六五長子帥師以二三四爻互震爲長
子是爻辭言互體確據萃䷬六三象曰往无
咎上體巽也以三四五爻互巽是象傳言互
體確據或謂乾健爲馬坤順爲牛至若屯有
馬而无乾離有牛而无坤乾之六龍則或疑
于震坤之牝馬則當反爲乾故王弼曰義苟
應健何必乾乃爲馬爻苟合順何必坤乃爲

牛子謂此說非也依其言聖人當名辨物雜而不越之象虛矣郝仲輿謂凡陽在下者皆動之象震三一陽在下也在中者皆陷之象坎三一陽在中也在上者皆止之象艮三一陽在上也凡陰在下者皆入之象巽三一陰在下也在中者皆麗之象離三一陰在中也在上者皆說之象兌三一陰在上也顧其時位有當與不當乃分吉凶耳易三畫成象是常例亦有二畫成象者有一畫成象者按此論實發千古之蒙由此推之屯䷂六二之馬

指初九言故曰乘馬班如初九震之一陽卽
乾也不得謂屯无乾也離☲中之偶卽坤故
彖曰畜牝牛吉不得謂離无坤也乾之陽本
屬龍震☳之爲龍實以得一陽之乾耳天用
莫如龍地用莫如馬坤純陰故馬以牝別之
尙何爲震爲乾之疑乎

象須字字折得開句句合得攏方免鶻突
干寶解易六爻相雜惟其時物曰一卦六爻
則其雜有八卦之氣若初九爲震爻九二爲
坎爻也按此卽後儒一畫成象之說所本

左傳引易必著卦畫誠以卦畫不著則卦變互體不顯而象無由明故發明彖爻必著卦畫于畫求象一日瞭然

乾坤二卦伏變必舉全卦其象乃見他卦單標上下伏變之卦簡明易曉必于所變全卦看互體者方舉全卦

取象有本義有旁義臨之八月有凶復之七日來復說者紛紛義可旁通而皆非其本也如臨䷒實因九二六三有坎象取坎爲月又因上坤三爲地數八乃取八月坎爲加憂乃

取八月有凶復䷗實因初九六二有離象取
離爲日初九得乾之一陽爲天數七乃取七
日本卦爲復非取七日來復非本卦無日月
七八及有凶來復象而海概敷衍也于此二
象確鑿其他思過半矣震䷲六二七日得亦
因六二居離有日象成初九之乾天數七有
七日象旣濟䷾六二七日得象同天數獨主
七者左傳謂天以七紀是也凡象以類觀愈
明此其例也

蠱䷑先甲三日後甲三日因二三四畫互兌

三兌西方屬辛辛喻自新有先甲三日象六
五上九爲離離南方屬丁丁喻丁噬有後甲
三日象巽☴三九五先庚三日後庚三日因三
四五畫互離三離爲火屬丁有先庚三日象
九五與六四爲坎三坎爲水屬癸癸喻揆度
有後庚三日象凡此得其象則片言可決不
得其象則萬語難明

易象雖有萬變其體例可約舉如君公之屬
必係乾震乾爲君乾三爲三公震爲長子利
建侯也國邑人以之屬必係坤坤爲地爲眾

也門戶之屬必係坎艮坎爲官艮爲門闕也
衣服之屬必係乾坤與離乾爲衣坤爲裳離
爲文飾也飲食之屬必係坎離坎爲酒離爲
口也言語之屬必係乾與離兌乾爲言離爲
口兌爲口舌也行動之屬必係震巽震爲足
爲動巽爲進退也命令之屬必係巽巽爲風
也教習之屬必係坎與巽兌坎爲通巽爲入
兌爲說也文譽之屬必係離離爲文明也武
事之屬必係離離爲戈兵也刑獄之屬必係
坎離與震坎爲桎梏離爲明震爲威也祭祀

之屬必係坎坎爲通爲隱伏主通神明也疾病之屬必係坎坎爲病也醫藥之屬必係離離爲火其味苦也財富之屬必係巽巽近利市三倍也鳥獸鱗介之屬必係離離爲飛爲甲爲網罟也乾龍震馬艮虎坎狐之類又其分係者也草木之屬必係震震爲萑爲蕃鮮也乾果艮竄坎棘巽楊之類又其分係者也如此方知說卦傳之必不可少然非合前取象之例參互求之亦不能合也

孔氏穎達疏六爻初爲先用之地土爲盡末

之境其居位者惟二三四五故繫辭唯論此
四爻初上雖无正位統而論之爻亦始末之
位故乾象云六位時成二四爲陰陰居爲得
位陽居爲失位三五爲陽陽居爲得位陰居
爲失位略例王氏云陽之所求者陰也陰之
所求者陽也一與四二與五三與上一陰一
陽爲有應俱陰俱陽爲无應

朱氏升曰淳安夏氏讀易十字樞曰中偏正
反應敵比遠乘承二爲下卦之中五爲上卦
之中初三下卦之偏四上上卦之偏陽畫居

初三五陰畫居二四六爲正陰畫居初三五陽畫居二四六爲反初與四二與五三與上一陰一陽爲應俱陰俱陽爲敵初二三四五六相聯爲比相隔爲遠本爻在彼爻之上爲乘在彼爻之下爲承按孔氏夏氏所論最明然亦有當變通者如乾之九二陽居陰位爲中實坤之六五陰居陽位爲中虛未嘗不吉而相應中有不宜應相敵中亦有類應或以比而爲仇或以遠而同德如前所云自有典常也如後所云不可爲典要也以此二語讀

三百三十五字
易思過半矣

易一言以蔽之曰時時一言蔽之曰進退存
亡而不失其正聖人安然爲之常人勉而效
之易之能事畢矣易雖兼進退以時尤在難
進易退故于隨咸諸卦皆不取係應蓋易隨
者必防其隨易咸者必慎其咸也故說卦云
易逆數也時行則行順而效之則易時止則
止逆而制之則難凡不取係應諸卦當以此
詳之

朱氏彝尊曰崔氏師訓謂讀易須識典禮故

曰聖人觀會通以行其典禮繫辭以斷吉凶
則典禮所在乃六爻吉凶從出之門一卦之
大義也如乾三以元爲典禮坤三以貞爲典
禮餘卦利貞則皆典禮所在貞無往不在因
時制宜謂之時義因時致用謂之時用各隨
其時如屯三之時以動爲貞需三之時以靜
爲貞咸三以止爲貞恆三以進爲貞旅三之
貞在柔兌三之貞在剛未有一卦而無典禮
者知者觀彖辭而思過半者此也

或謂易掌于太卜不列學校學校所教詩書

禮樂也按據此遂謂易專爲卜筮而設殊不
其然據周禮詩掌于太師書掌于外史卽禮
樂亦有分掌者何曾專在學校左傳韓宣子
適魯觀易象與魯春秋曰周禮盡在魯矣則
當日之易象卽周禮也易文言曰嘉會足以
合禮大象曰君子以非禮弗履繫辭傳曰知
崇禮卑崇效天卑法地又曰觀會通以行典禮
豈孔子故爲是躉言以欺人乎學禮而不學
易猶導水而不溯其源也縱其爲教絜淨精
微難以驟語下學而傳必其人授之有時豈

以掌于太卜一端遂謂與學校無涉而專屬之卜筮也謂易專主卜筮則有數無理有將來無現在有禍福無是非有術士無聖賢必不然矣

初爲民位二三臣位四爲大臣五爲君位上則无位此亦大概云爾不盡然也繫辭傳謂二多譽四多懼三多凶五多功亦不盡然故云多也

孔疏訟䷅彖王注云主其在二乎九五訟元吉王注云爲訟之主一卦二主者二爲卦義

之主五爲卦位之主若復䷗初九是復義之
主六五爲尊位之主此一例也若卦由五位
五又居尊如比䷇之九五正爲一主此一例
也按二主之中仍有一主如訟自以九五聽
訟者爲主所謂利見大人也復自以初九一
陽來復爲主所謂雷在地中也主多在五二
次之亦有于初者如復䷗是也亦有于三者
如謙䷎九三陽剛居中爲謙之主是也亦有
于四者如小畜䷈以六四一陰畜上下五陽
是也亦有于上者如大畜䷙以上九一陽畜

二陰是也

孔疏彖論上下全體爻明一爻之事故爻與
彖多異如小畜䷈上體不能閉固下體陽猶
上通彖云密雲不雨上九能固九三畜極而
雨故爻云旣雨比䷇彖云比吉上六爻云比
之无首凶復䷗彖云復亨上六爻云迷復凶
皆是也

孔疏訟䷅彖剛來得中王注以爲九二蓋上
下二象在下象則稱來賁䷖柔來而文剛是
離下艮上故稱柔來凡云來者皆據異類而

言訟九二在二陰之中故稱來九五在外卦
又三爻俱陽不得稱來爻辭有從下卦向上
稱來者故需䷄上六有不速之客三人來指
下卦三陽然需上六陰爻陽來詣之亦是往
非類而稱來也按彖凡言來皆指來于內卦
如泰䷊小往大來謂大來于內之乾也否䷋
大往小來謂小來如內之坤也爻辭不拘此
例蓋彖以內卦爲主故就內卦言來爻以本
爻爲主故就本爻言來也

楊氏慎曰王氏拱東周易翫辭彖傳上下往

來本義類以卦變言予謂只爲現在卦體無
卦變之說也如訟䷅剛來得中是上體之剛
來得坎體之中凡言來者如此隨䷐剛來下
柔是上兌四五之剛來下震三二之柔凡言
下者如此噬嗑䷔柔得中上行是震體之二
上行離體之五凡言上者如此蹇䷦往得中
是艮上之剛往得坎體之五凡言往者如此
按卦變之說或謂本之虞翻實無義理王氏
之說卽擴充王注孔疏論來之例精確不磨
蓋外至內謂之來內至外謂之往內至外謂

之上外至內謂之下舉其說分載各卦而發其凡于此闢卦變之謬者李氏舜臣王氏應麟來氏知德不一其人精當尤推二氏拱東其書久佚楊氏慎載此說朱氏彝尊取入經義考有益經學甚鉅

欽定周易折中

欽定周易述義皆力闢卦變之說專主王孔尤爲定論矣

徐氏善謂卦變圖乃商易首坤之說今求其可據者惟十二辟卦可分配十二月如復䷗

十一月臨䷒十二月泰䷊正月大壯䷡二月
夬䷪三月乾䷀四月姤䷫五月遯䷠六月否
䷋七月觀䷓八月剝䷖九月坤䷁十月按之
易象坤初六履霜爲十月臨至于八月有凶
由臨至否凡八閱月姤包瓜爲五月復七日
來復由姤至復凡七閱月此類頗符京房輩
由此衍爲分年分月分日卦序每多不合又
別爲六日七分之說而亦言人人殊凡皆後
儒附會之談安可據以爲作易之本信其訟
自遯來諸說乎須知十二辟卦亦因易取象

如此推衍偶合非易果有辟卦之說據以成書況其他因辟卦而遷就旁推者乎至于邵堯夫所推伏羲先天大圓圖則尤自我作古以就其乾南坎北離東坎西之說于是剽之在九月坤之在十月者移爲大雪皆十二月矣臨之在十二月者移爲春分則二月矣泰之在正月者移爲立夏則四月矣大壯之在二月夬之在三月乾之在四月者俱移爲芒種皆五月矣遯之在六月者移爲秋分則八月矣否之在七月者移爲立冬觀之在八月

者移爲小雪皆十月矣若謂先天後天節氣不同而姤在夏至爲五月復在冬至爲十一月又獨不異且十二辟卦實周易何得謂文王始有後天破綻百出識者但卽其矛盾之迹而考之一破百破矣

來氏知德曰繫辭傳謂參伍以變錯綜其數六十四卦皆錯綜以明陰陽變化之理按揚子雲謂重易六爻互用兩卦十二爻孔疏謂六十四卦二二相偶非覆卽變俞氏炎謂卦有覆體有對體皆與來說相通而來氏直以

繫辭傳錯綜之義言之尤爲典據兩卦錯綜大約彖爻象傳辭意每相關注揚子所謂互用十二爻也雖不必處處穿鑿以爲之說大意實是如此要不外說卦傳八卦相錯之旨繫辭傳謂乾坤其易之門說卦傳謂六索而得震坎艮巽離兌周禮謂經卦八其別六十有四作易次第如此概可想見何必別生異說耶

諸家大抵分孰爲錯孰爲綜又分正綜旁綜無闕義要徒眩心目竊謂錯綜實聯貫爲文

謂錯而綜之錯猶雜也綜猶繫也雜卦繫辭
二傳卽寓錯綜之義雜繫不可分屬錯綜亦
不可分矣故曰錯綜其數又曰八卦相錯言
錯已該綜矣故但渾言錯綜

錯綜就二卦對待言如乾坤屯蒙之類然已
寓流行之義序卦傳實引伸錯綜之旨如坤
必繼以屯蒙必繼以需之類具有精理故每
卦之首必本序卦傳推衍其義亦以見易序
定當如此首艮首坤皆爲旁落如卦變等圖
尤無義可通決不足信也

孔疏陽爻稱九陰爻稱六其說有二一者乾體有三畫坤體有六畫陽得兼陰故其數九陰不得兼陽故其數六二者老陽數九老陰數六老陽老陰皆變周易以變者爲占揲著之數爲然少陽稱七少陰稱八義亦準此據孔說在前者精確不移必係畫卦稱九稱六之本老陽老陰少陽少陰之說乃揲筮之取義因以六七八九之數當之黃氏宗炎謂陰陽老少未嘗見于十翼漢書始有其說不過後人以揲著求卦著于版上以爲分別紀數

是也未可以繫辭地六天七地八天九指定
爲老陰少陽少陰老陽四位以作四象而于
天一地二天三地四天五地十無說以處之
遂僞造一河圖位置之而卒不得其位置也
六十四卦讀遍何曾有七八之說乎惟左傳

襄公九年

筮法有艮之八一語杜元凱謂爲連山

占法卽以周易後人占法言之亦不過如黃
氏所謂著版紀數耳豈可據以亂易之本乎
顧氏炎武曰楊損之云筮畫七八爻稱九六
九渾指陽六渾指陰故易用九六而無七八

數語極爲分曉

孔疏夫子所作象辭元在六爻經辭之後以自卑退及至王輔嗣作注以爲象傳本釋經文宜相附近其義易了故各附彖爻之下猶如元凱注左傳分經之年與傳相附方氏逢辰曰鄭康成懼學者未能一貫遂以彖象傳附各卦經後王輔嗣又各附經下獨乾則鄭氏之舊耳今欲以孔子之傳求義文周公之心不得不引傳附經以使省察求切已實踐之益按復古本分經傳談易者之所艷稱獨

方氏所見如此恐亦無以奪之也與其將義文周孔之易分而爲三何如合而爲一與其奪孔子之傳以伸邵堯夫先天後天之異說何如稟孔子之傳以釋義文周三聖同揆之正經故予讀易仍以注疏本爲斷錢氏一本謂文周孔子之辭凡皆以明義畫之象合于一處匪今分于二處匪古洵通論耳

陳搏謂學易者當于羲皇心地馳騁無于周孔注腳盤旋此不問而知爲異端也予爲之反其說曰當于周孔注腳盤旋方能于羲皇

心地馳騁蓋羲文周孔同一易爲明理寡過之根源陳搏別一易乃成仙鍊丹之借徑決不可比而同之也

顧氏炎武曰孔子論易見于論語者二章而已一言無大過一戒不恆是則聖人之所以學易者不過庸言庸行之閒而不在于圖書象數今之穿鑿圖象以自爲能者畔也是故出入以度无有師保如臨父母文王周公孔子之易也希夷之圖康節之書道家之易也自二子之學興而空疏之人迂怪之士舉竄

迹于其中以爲易而其易爲方技之流于聖人寡過反身之學去之遠矣

莫非前定之說固有此理而須善會一飲一啄實前定者也一善一惡則非前定者也吾嘗謂有限其爲王公卿士者矣未有限其爲大人君子者也故易兼天地人三才而實以二五中爻爲主則貴以人事轉移天命如專以前定諉之則一部易之趨吉避凶全歸無用矣是故孔子文曰積善之家必有余慶積不善之家必有余殃繫辭傳曰善不積不

足以成名惡不積不足以滅身此言人事之有權示以趨吉避凶之準也故讀易必以此爲的合大禹謨惠迪吉從逆凶謙受益滿招損之言思之而易乃有用蓋易者立命之學也泰九三曰勿恤其孚孚卽定數也勿恤其孚于食有福卽立命也

邵氏分宮卦圖實難依據讀易之要有二一曰自有典常一曰不可爲典要惟其自有典常如乾後必次以坤坤後必次以屯如今六十四卦之序層次井井是也惟其不可爲典

要對待之中自寓錯綜之妙神明變化動而不括若如邵之諸圖板分平對俱成死局何足以爲易乎今欲觀分宮大概惟周禮太卜所謂經卦八其別六十有四與孔子乾坤其易之門及八卦相錯之說相合然則乾坤爲六子之經六子又爲諸卦之經孰爲據現在已成之象可據過求典要轉失與常易簡之書不可參以支離之說也

黃氏宗炎曰朱子與王子合書云邵氏言伏羲先天卦位近于穿鑿附會且當缺之此爲

定論故與劉珙言本義有模印之戒其不滿意可知謹按

欽定周易折中亦謂本義爲朱子未定之書學者斷不可泥尤發蒙之確論也

欽定周易述義解繫辭傳五位相得而各有合宗漢儒十日甲乙丙丁戊己庚辛壬癸相得相合之說解說卦傳數往者順知來者逆是故易逆數也宗韓康伯注通論全易數往知來不宗邵氏橫圖穿鑿之說誠得聖經本旨足以去僞存真謹遵爲說以定一尊

以我注易不如以易注易如以畫求象不節
外生枝此以易注易也于繫辭說卦等傳文
義深奧處以前後相類之語印證每得諒然
理解尤以易注易也

經文可有可無字句必過而存之尊經也後
人疑爲錯簡不必錯者也故一以原文爲斷
繫辭傳孔疏舊分上傳十二章下傳九章後
儒分上下傳各十二章視舊較有眉目今從
之惟天一地二天三地四天五地六天七地
八天九地十舊載子曰夫易何爲而作者也

節前以明開物成務皆本天地之數語意相承極關義要若誤移之則使聖經失旨今仍注疏原本或曰如此則天數五地數五諸語無根曰古文前後印證者甚多此正以互證爲義者也蓋不移則互證無損于前誤移則失旨有損于後詳味經文自見

孔子大象傳序卦傳爲易之一經一緯天道人事該洽无遺繫辭傳謂君子居則觀其象又謂所居而安者易之序二傳所由作也但其文奧義精初學驟難得其要領竊爲疏義

一通聯貫其文辭印證其義蘊依經順序而
有一卦數舉者取觸類引伸也有前後連屬
者取參伍錯綜也必以對卦爲主取雜而不
越也說有萬變大旨在損有餘補不足歸于
時中繫辭傳謂无咎者善補過論語謂學易
可无大過誠全易之樞機也大象疏義分采
各卦序卦傳疏義附載經後以備攷證云
援古事以證爻象始自鄭康成王注孔疏亦
多如此固說易之一道也

凡引述先王注後孔疏其他以經文爲序不

以人代先後爲序

阮芸臺先生重刊注疏總目曰竊謂士人讀書當從經學始經學當從注疏始空疏之士高明之徒讀注疏不終卷而思卧者是不能潛心研索終身不知有聖賢諸儒經傳之學矣至于注疏諸義亦有是有非我

朝經學最盛諸儒論之甚詳是又在好學深思實事求是之士由注疏而推求尋覽之也按此論最名通可爲讀經之法此書雖以明象爲主義則多取王孔注疏然亦兼采百家實

無偏主也

引述必著姓名或書名以明所宗其自率管見亦有融鑄先儒數說爲一者去取斟酌實具苦心非掠美也

凡例只載大略論辨得失詳著讀易類紀蓋此書與類紀實相經緯

此書義象固專爲明易而設然所載經義皆係讀書得閒愜心貴富之言屬辭比事期于至精識者詳之


予三十以前于易懵如也其後涉獵諸家漬

漸浸多反求諸經恍然有得乃能判決真僞
抉摘隱微以求正旨之所在此書始嘉慶癸
酉迄道光乙未始成塗改刪增數十百易精
微之理管窺蠡測猶恐無當高深粗就規模
日新月益竊幸有所憑藉云

易象通義卷一

湖北叢書用漢川秦氏家藏彙

漢川秦雋輝撰



乾下

乾元亨利貞

孔氏穎達疏說卦云乾健也子夏傳云元始也亨通也利和也

貞正也陸氏元輔曰王氏道易億元亨利貞宜照孔子文言分爲四德 乾初九震動爲仁元象九二坎通亨象三陽皆實利象九五中正貞象以九五爲卦位之主實由一陽之震運行于六爻之間故元又爲卦義之主所謂大哉乾元萬物資始乃統天也一索必始于震亦于斯可見矣又按元古皆訓始訓長書堯典月正元日益稷元首明哉伊訓惟元祀春秋公羊傳隱元年元年者何君之始年也無訓大者孔子文言明曰元者善之長也又曰君子足以長人後有云大亨者對小亨言猶言陽亨陽大陰小也利貞如坤利牝馬之貞之類固屬聯貫爲文易不可爲典要也在乾則截然四德自有典常也如天之春夏秋冬人之仁義禮智不可缺一或蔽于易專爲卜筮而作之見謂其占當得大通而利在正固是筮則有元亨利貞不筮則无元亨利貞其不足據審矣

初九潛龍勿用

項氏安世曰乾象龍震之健也震爲龍以乾爻故也程傳舜耕

稼陶漁似之 乾初九得震之一陽震為龍龍象又之復復雷
在地中潛龍勿用象帝王有帝王之潛龍士庶有士庶之潛龍
故文言謂龍德而 九二見龍在田利見大人 王氏彌

離隱故曰見龍處于地上故曰在田德施周普居中不偏雖非
君位君之德也初則不彰三則乾乾四則或躍上則過亢利見
大人唯二五焉程傳舜明揚側陋似之 乾九二變同人下離
離為田為見見龍在田象互巽巽為利上應九五利見大人象
就本文龍德正中亦大人象易象動而不 九三君子終日
括或謂專指九五或謂專指九二皆拘

乾乾夕惕若厲无咎

程傳舜納麓弗迷似之王氏應麟

敬曰陸氏側謂龍善變蜥易善易亦龍類也心之惕實合蜥易
之象易有隱寓其象者此類是也易益無之非象也 乾九三
變履互離離為日居乾之三其位重剛終日乾乾象又之謙互
坎坎為月為加憂為心病夕惕若厲象剛居陽位得乾之正无
咎象凡易戒辭皆由象著非本无此象別設此戒也伊尹之弗
狎周公之流言諸葛武侯之鞠躬其皆此爻與徒健非健也故
乾以惕而彌健徒勇非勇也故將以慎而彌勇善乎韋 九四
觀之言曰為將須有性時其得乾之惕而為健者與

或躍在淵无咎

孔疏九四陽氣漸進似若龍體欲飛躍在于淵未即飛也若周文王率諸侯以事紂

是也程傳舜受終文祖似之乾九四變小畜互兌兌為澤又

之豫上震震為足或躍在淵象上比九五同德相從无咎象漢

高欲定關中先燒棧道示无東意昭烈欲取天下先據蜀都姑俟後圖彷彿似之

九五飛龍在天

利見大人

王注位以德興德以位叙至德而處盛位萬物之觀不亦宜乎程傳舜格于文祖似之朱氏震

曰乾九五為坎坎變離離為飛飛龍象徐氏與喬曰乾五大人

龍飛堯舜當之革五大人虎變湯武當之胡氏一桂曰王昭素

對太祖曰臣等占得此爻則陛下是飛龍在天臣等是利見大

人大人正指陛下乾九五變大有火在天上天飛龍在天象九

五陽剛中正大人象伏上九亢龍有悔王氏應麟曰史記

離為見利見大人象有悔此言上而不能下信而不能誦往而不能反者也澤相秦

數月歸相印非苟知之乾上九變夬澤上于天亢龍象又之

剝剝不利有攸往悔象

用九見羣龍无首吉

王注九天之德也能用天德乃見羣龍之

義焉夫以剛健而居人之首則物之所不與也以柔順而為不

正則邪佞之道也故乾吉在无首坤利在永貞姚氏舜牧曰繫

辭謂六爻相雜惟其時物也意在前三民之用故于諸卦曰時義
曰時用不一而足而用九用六特發于乾坤二卦其用昭如矣
後人誤解變柔變剛大戾聖人之旨焦氏竝曰易周萬變而卦
止六十有四六十有四而用止九六魏伯陽謂二用无爻位周
流行六虛蓋古之微言也用九用六總發六十四卦之例質
言之謂時而用乾之剛須以柔濟之必如羣龍无首方吉即象
傳所謂保合太和文言所謂大哉乾乎剛健中正純粹精也左
傳天為剛德猶不干時而況人乎亦此意時而用坤之柔須以
剛濟之必以永貞為利即象傳所謂含宏光大文言所謂坤至
柔而動也剛至靜而德方是也繫辭傳謂一陰一陽之謂道而
乾以易知坤以簡能宏綱大用無精要乎此者矣或曰左傳蔡
墨謂其坤曰見羣龍无首吉何也曰蔡墨借易象以論
龍非論卦變占法也用九原非爻辭墨不過因有龍象并舉之
曰各爻皆兼變言于此不得已而號之曰坤直謂之誤可耳伏
書卦豈有七爻哉墨于上九言夫亦指上九一爻變耳若論
諸爻之變乾初爻變姤二爻變遯三爻變否四爻變觀五爻變
剝六爻變坤至上九盡矣豈待用
九變坤哉誤宗其說者可以思矣

彖曰大哉乾元萬物

資始乃統天

孔疏夫子所作彖傳統論一卦之義或言
卦德卦名褚氏考諸名仲義莊氏竝云彖

斷也陸氏曰象之義出于象象之義出于彖彖之義出于豕皆取諸物也吾邱衍曰夜遊錄彖象皆假畜獸以彖為大豕行則俯首一望而全體皆見故統論一卦之體取以喻之象有六牙以喻六爻楊氏慎曰彖之為言斷也獸之能斷吉凶者也象者大荒之獸也令人想象之而已爻者俎也錯雜陳之有精有簡繫者維也繫解舟發任其所之皆寓名也大哉贊辭非以大訓元也惟元統天惟仁統君惟木統時惟震統卦

雲行雨施品物流形

孔疏此釋亨之德陸

氏振奇曰資始曰萬物流形曰品物始猶渾淪形可區別

大明終始六位時成時

乘六龍以御天

孔疏此申言乾之為德彙參易不曰陽陰曰陰陽者太極由靜之動也不曰始

終曰終始者貞元循環無端也胡氏炳文曰三百八十四爻時而已矣故夫子首于乾發之三爻惕隱寓龍四爻躍亦指龍故稱六龍胡氏炳文謂三四人位不言龍者非乾為君道故時乘六龍以御天坤為臣道故貞利牝馬以行地乾道變化各正性命保合太和乃利貞

孔疏此釋利貞首

出庶物萬國咸寧

孔疏此論聖人上法乾德生養萬物志卑故曰无首德尊故曰首出

陸氏振奇曰无首者天德之用
不測首出者天德之體常尊
象曰天行健君子以

自彊不息

孔疏此大象也十翼第三總象一卦張氏載
曰易為君子謀不為小人謀乾德主健自

彊象乾畫皆健不息象大象自地勢坤以下皆言卦名乾獨言
健者乾為君象非士庶之所取同健之德則无不可同也君子
兼上下有德者言謂專指人君者非益舍健不可為人也天之
行為自健人之行為自彊乾而又乾是為不息求元亨利貞者
必法天行之健在田躍淵飛天利見皆自彊所為
即初九必自彊方可為潛上九必自彊方可免亢
潛龍勿

用陽在下也見龍在田德施普也終日乾乾反

復道也或躍在淵進无咎也飛龍在天大人造

也亢龍有悔盈不可久也

孔疏夫子釋六爻之象辭
謂之小象胡氏炳文曰孔

子于乾坤初爻特揭陰陽以明易之大義乾初
曰陽在下望其上也坤初曰陰始凝懼其終也

用九天德

不可為首也

孔疏此釋用九之義
必推夫元過慮亢陽故天德不可為首
行宜主健故天統

文

言曰元者善之長也亨者嘉之會也利者義之
和也貞者事之幹也君子體仁足以長人嘉會
足以合禮利物足以和義貞固足以幹事君子
行此四德者故曰乾元亨利貞

孔疏文言夫子第七翼以乾坤易之門諸

卦從出特開釋之天本无名聖人以人事託之謂此自然之功
爲天四德使後世聖人法天所爲朱氏震曰左傳襄公九年元
體之長也亨嘉之會也利義之和也貞事之幹也體仁足以長
人嘉會足以合禮利物足以和義貞固足以幹事易刪改者一
增益者六則古有是言孔子文之信矣王氏應麟曰貞者元之
本韓非解老篇周公曰冬日之閉凍不固則春夏之長草木不
茂可發明貞固之說孔疏引乾鑿度云水土二行兼信與知
也蓋貞而固者爲知彼姦詐盜爲非知也知必依信猶水必麗
土孟子謂知之實知孝弟二者弗去是也其合于易貞固幹事
之知哉文王彖辭乾元亨利貞本以四德言之孔子文言悉仍
文王之舊未嘗別解一解也或有謂三聖人不同易好事者爲之耳

初九曰潛龍勿用何

謂也子曰龍德而隱者也不易乎世不成乎名
遯世无悶不見是而无悶樂則行之憂則違之

確乎其不可拔潛龍也

此以下明乾之六爻申象傳之意豐氏坊謂商瞿所問固鑿然

據何謂也子曰之辭必弟子問夫子答也蓋六經雖出于夫子皆諸賢傳受而存易其一也後儒說經每憑臆見與諸賢為忤不知其已悖于孔子矣乾初九居復之一陽深潛隱閉龍德而隱不易乎世不成乎名象陽氣歡忻遯世无悶象震為足為動樂則行之象九二居坎坎為加憂初九在下不與其事憂則違之象復為德本確乎其不可拔象

九二曰見

龍在田利見大人何謂也子曰龍德而正中者也庸言之信庸行之謹閑邪存其誠善世而不伐德博而化易曰見龍在田利見大人君德也

乾九二居坎龍德正中象乾為言震為行闢戶為閑坎中實信謹存誠象伏離文明中虛善世不伐德博而化象上應九五君

德象庸言庸行指其日用細微者言細微不忽大節可知坤六二中虛故主敬乾九二中實故主誠敬之用貴于精義誠之本在于閑邪坤之德小故餘慶徵于善家乾之德大故不伐歸于善世

九三曰君子終日乾

乾夕惕若厲无咎何謂也子曰君子進德修業忠信所以進德也修辭立其誠所以居業也知至至之可與幾也知終終之可與存義也是故居上位而不驕在下位而不憂故乾乾因其時而惕雖危无咎矣

王注處一體之極是至也居一卦之盡是終也進物之速義不若利存物

之終利不及義 乾九三乘坎坎中實忠信進德象居艮艮其輔修辭立誠以居業象至下卦之終艮爲成終知至與幾知終存義象以艮居下卦之上上卦之下上位不驕下位

九四曰

不憂象進可有爲退可有守因時而惕雖危无咎象或躍在淵无咎何謂也子曰上下无常非爲邪

也進退无恆非離羣也君子進德修業欲及時

也故无咎

乾九四當上下進退之間上下无常進退无恆象上下進退皆同陽德非為邪非離羣象九三

已進德修業四及此時可以施行无咎象

九五曰飛龍在天利見大人

何謂也子曰同聲相應同氣相求水流溼火就

燥雲從龍風從虎聖人作而萬物覩本乎天者

親上本乎地者親下則各從其類也

乾九五陽剛中正而居尊

位陽為聲為氣上下五陽俱從九五同聲相應同氣相求象居坎坎為水流溼象伏離離為火就燥象飛龍在天坎為雲雲從龍象革九五大人虎變乾九五亦為虎革九五乘巽巽為風虎嘯風生風從虎象離重明繼照萬物相見聖人南面而臨天下作而萬物覩象九五以天統地親上親下各從其類象蓋同者固同為同氣相求異者亦同為各從其類此萬物資始乾元統天之極致也
上九曰亢龍有悔何謂也子曰貴而无位

高而无民賢人在下位而无輔是以動而有悔

也

乾上九居乾之極過乎九五貴而无位象孤陽寡應高而元民象諸陽處下賢人在下位而无輔象非无位也自貴

則无位也非无民也自高則无民也非无輔也自賢而處乎上則无輔也亢之爲害也如是動而有悔不亦宜乎 潛

龍勿用下也見龍在田時舍也終日乾乾行事

也或躍在淵自試也飛龍在天上治也亢龍有

悔窮之災也乾元用九天下治也

王注此以人事明之 潛龍

勿用陽氣潛藏

孔子明以復義釋初九

見龍在田天下文明

乾九二伏離天下文明象

終日乾乾與時偕行

卦六十四一言以蔽之曰與時偕行 或

躍在淵乾道乃革

王氏得臣曰重卦之內至于三位則有小成變革之理如乾之九四曰乾道乃

革革之九三曰革言三就革九四互乾故乾四亦言革

飛龍在天乃位乎天德亢

龍有悔與時偕極君子與時偕行不與時偕極所以為時中乾元用九乃

見天則孔疏以上明天道上九位天德乃合乎中用九見天則方免平亢乾元者始而

亨者也利貞者性情也王注不為乾元何能通物之始不性其情何能久行其道王

氏性其情之語程伊川好學論本之以孔子文言本意斷之亦有未合文言實性情平論者也中庸喜怒哀樂之未發謂之中後而皆中節謂之和孟子曰乃若其情則可以為善矣賀瑒曰靜時是性動則是情豈可以情專為不善而去之哉恐流于寂滅而不覺矣命者性之原故曰性命情者性之驗故曰性情利貞蓋指性情皆得其正言之也孟子曰故者以利為本即利貞性情之說也乾始能以美利利天下不言所利大矣哉

大哉乾乎剛健中正純粹精也六爻發揮旁通

情也時乘六龍以御天也雲行雨施天下平也

孔疏此復言始亨利貞之義若坤利牝馬之貞屯利建侯之類皆言所利之事乾始不言无不利也餘卦四德狹劣故以事

繫之有因德者坤屯臨隨
无妄革六卦皆非乾匹

君子以成德爲行日可見之

行也潛之爲言也隱而未見行而未成是以君

子弗用也

孔疏以下復明六爻之義
震體元成德爲行象居復未見未行象

乾初九居君子

學以聚之問以辨之寬以居之仁以行之易曰

見龍在田利見大人君德也

乾九二居坎坎爲通學
聚問辨象中實寬居仁

行象學問之道所以求无私之仁而已然非寬以居之則與大
哉乾元殊不相似而學問皆濟其意必固我克伐怨欲之私與
仁日遠耳後世言道學者堅持門戶矜己
邪人黨同伐異益于孔子文言詳審之哉

九二重剛而不

中上不枉天下不在田故乾乾因其時而惕雖

危无咎矣

孔疏上下俱陽故重剛也
不中象五上天位初二地位上不枉天下不在田

乾九二非二五重剛

象九四重剛而不中上不枉天下不在田中不

在人故或之或之者疑之也故无咎

孔疏重剛不中與九三同

乾九四上下俱陽亦重剛不中象三四人位以三爲主上不

在天下不在田中不在人象位近于五前進甚易能疑以自慎

无咎夫大人者與天地合其德與日月合其明

與四時合其序與鬼神合其吉凶先天而天弗

違後天而奉天時天且弗違而況于人乎況于

鬼神乎

先去聲 孔疏莊氏云與天地合其德者謂覆載也與日月合其明者謂照臨也與四時合其序者若賞

以春夏刑以秋冬之類與鬼神合其吉凶者若福善禍淫之類在天時之先行事天乃在後不違是天合大人也在天時之後行事能奉順上天是大人合天也本義回紇謂郭子儀曰卜者言此行當見一大人而還若子儀者雖未及乎夫子之所論然其至公无我亦可謂當時之大人矣桑氏悅曰楊氏廉謂先天而天弗違後天而奉天時言天人合一之理與先天後天二圖毫無干涉實有卓見郝氏敬曰邵堯夫傳會先天後天語分伏羲爲先天文王爲後天豈伏羲但能先不能後文王但能後不

能先乎至或謂三聖不同易畔道愈甚矣閻氏若據曰先去聲謂先之也邵堯夫借作先天之先係平聲即此可知其謬乾九五居坎在天位九二地位同德與天地合其德象坎為月伏離為日與日月合其明象離夏坎冬與四時合其序象坎為通為隱伏主通神明與鬼神合其吉凶象九五天位先天而天弗違象在上九之下後天而奉天時象凡創始之事皆先天其有成功天弗違也凡由舊之事皆後天惟聖時憲奉天時也若天地未闢以前則中庸所謂聖人有所不知莊子所謂聖人存而不論者聖人不知不必知者也聖人不論不必論者也臆說支辭弗思耳矣詳見繫辭說卦二傳

亢之為言

也知進而不知退知存而不知亡知得而不知

喪其唯聖人乎知進退存亡而不失其正者其

唯聖人乎

王氏應麟曰越絕書引易進有退定義存有亡之幾得有喪之理陸宣公奏議喪者得之理得

者喪之端語本此乾上九居乾之極不知退不知亡不知喪象知進退存亡而不失其正該六十四卦特于乾發其端

䷁

坤下

坤元亨利牝馬之貞君子有攸往先

迷句後得主句利句西南得朋東北喪朋安貞吉

迷義乾者坤之主也坤先乎乾必迷所往坤從乾後則得所主而利矣坤本乾德為元亨乾為馬坤為牝馬之貞象坤為方馬主行君子有攸往象地賴天光先迷後得主象坤陰虛受陽實利象坤西南兌離巽亦西南陰為其朋西南得朋象震坎艮在東北陽非其類東北喪朋象惟安乎貞則得朋非黨喪朋非乖安貞吉象先迷後得主即文言所謂地道无成而代有終也以六二中正為卦位之主實資乾象曰至哉坤元之貞運行于六爻之間故象曰安貞吉

萬物資生乃順承天孔疏天大于地故乾言大哉坤言至哉氣初資始成形資生

坤附乾而立至附大坤厚載物德合无疆含宏光大而具生附始而成

品物咸亨牝馬地類行地无疆王注地之所以得无疆者以卑順承乾故

也乾以龍御乾坤以馬行地先迷失道後順得常六畫俱闕靜受乾陽其象如此

西南得朋乃與類行東北喪朋乃終有慶安貞

之吉應地无疆

惟其安貞則可得朋而與類行无徇私之累即喪朋亦終有慶无孤立之嫌

象

曰地勢坤君子以厚德載物

述義天以神用故言行地以質成故言勢坤

上下皆坤厚德象爻畫繁密載物象崇效天取諸健故不息貴于自彊卑法地取諸坤故載物期于厚德

初六履

霜堅冰至

王氏應麟曰充善端于蒙泉之始絕惡念于履霜之萌

坤初六坤為十月又居巽巽為白霜

象變震震為足履霜象伏乾乾為冰堅冰至象

象曰履霜堅冰陰始凝也馴

致其道至堅冰也

孔疏防漸慮微慎終于始

六二直方大不習

无不利

折中乾為直為大坤為方坤以乾之德為德因直以方因方以大坤六二變坎得乾中畫乾為直坤本

象方因直而其方乃大直方大象坎為習六二居中得正不習无不利象不習對習坎言此以反對取象

象曰六

二之動直以方也不習无不利地道光也

地道本靜動而

變乾惟其變乾故直以方六二變坎本體為離離為文明此不習无不利而地道所以光也惟以動言直義乃見象傳洵非天

縱之聖莫能為也
六三含章可貞或從王事无成有終
陳氏

士元曰乾九四陽居陰坤六三陰居陽皆在二卦進退之間故俱曰或
坤六三變謙居艮艮為山地以山為章含章象艮為

貞可貞象卑而上行從王象六三居兌兌為毀折无成象艮為成終三居下卦之終有終象蕭何不敢專兵而附漢高寶融不

敢竊據而歸
光武象此
象曰含章可貞以時發也或從王事

知光大也
六四括囊无咎无譽
王氏應麟曰潛能以不見成德

管宣所以箴酬原也
魏志謂全身以待時杜襲所以戒繁欽也

魏志杜易曰括囊无咎无譽
坤六四坤為囊變豫互艮艮為手為止括囊
象曰括囊无咎慎不害也
王氏應麟曰荀子非相篇

无咎无譽象
括囊无咎无譽屬儒之謂
六五黃裳元吉
王注坤為臣道美盡于下孔疏

也豈未觀象傳文言與
六居君位臣之極貴者也能以中和通于物理王氏應麟曰坤之六五程傳以為羿莽禍武非常之變于寶曰柔居尊位若成

昭之主周霍之臣也百官總已專斷萬機雖情體信順而貌近
僭疑言必忠信行必篤敬然後可以取信于神明无尤于四海

觀野觀此說為長 坤六五居中色黃坤 象曰黃裳元 為裳黃裳象乾為元六五順承乾德元吉象

吉文在中也 坤六五居中屬離離 上六龍戰于野其

血元黃 王氏應鑒曰諸卦之爻皆及卦名坤小畜泰大畜既 濟六爻悉无之 坤上六變剝一陽居上龍象合六

五為離離為戈兵為田龍戰于野象又之夫合九五為坎坎為 血陰陽相疑其血元黃象黨錮之禍與而宦官誅于董卓甘露

之亂熾而內侍夷于朱溫黨人之碑立而蔡京亦以偽學之禁 嚴而侂冑竟死明之王振劉瑾魏忠賢及其黨與毒害忠良者

轉瞬皆駢首就戮其血 象曰龍戰于野其道窮也 謂 元黃之戒豈不信哉

之道窮其戒 用六利永貞 詳見乾 小人者深矣 用九 象曰用六永貞以

大終也 大即直方大之大 文三言曰坤至柔而動也剛 用六能貞斯大矣

至靜而德方 王注動之方直不為邪也柔而又圓消之道 也王氏應麟曰張浚易解君道主剛而其義

也用柔故乾動則為坤矣臣道主柔 後得主而有常 坤為 而其義也用剛故坤動則為乾矣 乾後

故云得主純坤
不雜故云有常
含萬物而化光坤道其順乎承天

而時行
乾主健以統天故竟庶物而首出
坤主順以承天故含萬物而化光
積善之家必

有餘慶積不善之家必有餘殃臣弑其君子弑

其父非一朝一夕之故其所由來者漸矣由辨

之不早辯也易曰履霜堅冰至蓋言順也
孔疏蓋言順者

順習陰惡之道積微不已乃致此害胡氏炳文曰乾言善坤言

善不善者坤從陽則善背陽則不善也坤言積善以其善一身

者善一家也乾言善世以其善一家者善一世也王氏應麟曰

早辨之戒著于坤夙吉之占申于解 順即馴致之馴千古國

家之患皆馴致為之也故孔
子特言順以明漸之可畏
直其正也方其義也君子

敬以直內義以方外敬義立而德不孤直方大

不習无不利則不疑其所行也
孔疏正則能敬故變正為敬身有敬義以

接于人則人亦敬義以應之是德不孤也李氏舜臣曰乾書實則誠坤畫虛則敬包犧心畫已開聖學之源陸氏振奇曰誠者乾之道敬者坤之體仁者乾之行義者坤之用任氏啟運曰聖詁曰寬仁乾九二衍之丹書曰敬義坤六二發之敬屬坤必本于乾之誠故敬亦言直乃非偽恭義屬陰雖有美含坤必極于乾之大故義无拘方乃非襲取

之以從王事弗敢成也地道也妻道也臣道也

地道无成而代有終也休咎不爽故餘慶餘殃以積而分綱常貴扶故妻道臣道與地

並著坤之元皆乾之元故曰先迷而後得主坤之貞亦乾之貞故曰无成而代有終天地變化草木

蕃天地閉賢人隱易曰括囊无咎无譽蓋言謹

也二氣交感故變化而草木蕃孤陰不生故閉藏而賢人隱坤之不可无乾也如是君子黃中

通理正位居體美在其中而暢於四支發於事

業美之至也質有其文故无咎在于白賁乎必以信故通理貴于黃中美在其中而暢于四支故天君

泰然百體從令正位居體而發于事業故一人元良萬國以貞陰疑於陽必戰爲其嫌

於无陽也故稱龍焉猶未離其類也故稱血焉

夫元黃者天地之雜也天元而地黃陰極必變陽惟疑故戰稱

龍者尊陽也陰未離其類惟戰故傷稱血者戒陰也交戰之時元黃相雜似無所分然元非黃所能掩天非地所能加則陽非陰所能剝仁非暴所能敵軒轅與而蚩尤滅周武勝而商辛亡是故曰天元而地黃

䷲

震下坎上

屯元亨利貞勿用有攸往利建侯

王

應麟曰乾坤之次屯曰利建侯封建與天地竝立郝氏敬曰震不言爲侯而屯言之屯卽震之始也說卦傳謂帝出乎震又曰萬物出乎震又曰震一索而得男故謂之長男雜卦傳謂震起也則繫辭傳所謂剛柔相摩八卦相盪又曰八卦成列象在其中矣因而重之又在其中矣雖參伍以變錯綜其數萬有不然而伏羲畫卦乾坤之後必繼以震彰彰然矣序卦傳謂有天地然後萬物生焉盈天地之間者唯萬物故受之以屯屯者盈也屯者物之始生也屯內卦爲震所謂長男也天地生萬物莫

先於此故以之次乾坤因其始出有險故遇坎而成屯屯益重卦莫先乎震序卦莫先乎屯此真因其自然之勢不假一毫安排勉强者也屯一陽居下得乾之震元象坎為通亨象震變巽利象互坤貞象互艮艮為止勿用有攸往象震為長子利建侯象以初九為卦主
象曰屯剛柔始交而難生動乎險中大亨

貞雷雨之動滿盈天造草昧宜建侯而不寧
陸氏

虞奇曰屯者世之蒙故曰草昧蒙者人之屯故曰童蒙 屯震為坤一索于乾遇坎剛柔始交而難生象九五居坎動乎險中

象陽得位坎為通大亨象互坤坤利居貞貞象震為雷坎為雨

震下坎上下盈中滿雷雨之動滿盈象震為蕃鮮草昧象乾為

天坎為通天造草昧象震為長子

為恐懼坎為加憂建侯而不寧象

象曰雲雷屯君子以

經綸
屯雷主動而分雲主潤而合經綸象屯三爻變既濟以雲雷言則經綸于其始以水火言則思防于其終易主

人事參贊天

初九磐桓利居貞利建侯
朱氏元曰磐桓柱石主不

道大旨如是

行利居貞即象辭勿用有攸往利建侯即以象辭繫爻以其為卦主也文王脫羑里建為西伯似之 屯初九居震震為木桓

象應六四互艮艮為石磐桓象漸六二鴻漸于磐亦取艮象承互坤利居貞象震以長男承乾利建侯象震剛建之才本宜進而為坎險在前當慎其始然

象曰雖磐桓志行正

也

以貴下賤大得民也

之貴下坤三陰之賤坤為眾為民大得民象

六二屯如遭如乘馬班如匪

寇婚媾女子貞不字十年乃字

朱氏元曰屯遭難行不進貌所應不善有

此象初二陰陽相比婚媾象四方諸侯卒歸于周似之陳氏士元曰坤為年其數十故曰十年屯六二上應九五正居坎難屯如遭如象初九居乾為馬六二乘之乘馬班如象班如雖行之遲遲如屯遭之難矣九五居坎為盜寇象初九陰陽近比匪寇婚媾象六二居離離為中女女子象坤居貞承互艮為止貞不字象坤數十六二初九終為陰陽正比十年乃字象此爻從五從初二說歧出以爻象斷之九五屯膏之主又居險地非所宜應初九震元建侯為卦之主正所當從馬又確指初乘之者二非五也從初說長蘇武抱節而終還都經久拘而反國其此象與左傳有班馬之聲此與班如言馬之進義同

象

曰六二之難乘剛也十年乃字反常也

應坎為難乘震為剛

二陽久爭復初反常

六三即鹿无虞惟入于林中君子幾不

如舍往吝

孔疏即就也虞謂虞官朱氏元曰伯夷叔齊似屯六三互艮艮為山鹿山獸林山木鹿與

林中象上无正應即鹿无虞惟入于林中象朱氏元以林中指坎蓋坎為叢棘正居險地尤與象合三猶未蹈坎險艮為止君子幾不如舍象互坤
象曰即鹿无虞以從禽也君子

舍之往吝窮也

李氏兆賢曰從禽者以身徇禍之殷鑒也折中象傳有單字成文者如此又窮也下

文明也即起例郭京舉正本作何以從禽也文義明顯不如注疏本以從禽也有詛諭之端味從禽訓即鹿鹿確指麋鹿之鹿蓋獸古亦通謂之禽也
朱氏謂鹿為山麓之麓非
六四乘馬班如求婚媾往

吉无不利之

孔疏六四應初故乘馬也朱氏元曰太公歸周似屯六四與初九為正應馬即初九之乾亦乘

馬班如象陰陽相得有求婚媾往吉无不利象求謂初來求之往謂四往應之千古道合方從得時乃駕象此孔疏亦以初

象為馬

象曰求而往明也

象傳以四應初求為明則二宜從初不從五審矣

九

五屯其膏小貞吉大貞凶

任氏啟運曰屯五蒙二同是坎也五得位而膏反屯

以互艮之止二在下而亨乃行豫時艸以互震之動朱氏元曰商紂似之屯九五與上六為兌兌為澤膏象互坤坤為吝奇九五乘之又互艮艮為止屯其膏象陽係于陰大限于小小貞吉大貞凶象項王印刻敵而不舍莊宗借軍實而不班難矣哉貞訓正訓固故文言謂貞固足以幹事凡言貞吉兼正固二義言貞凶則固義為多固有得有失猶言固執所見則凶也後言貞凶倣此九五中正獲吉易象之通例惟此爻以居坎乘坤互艮係兌致屯其膏以至于凶為易之變例亦以見爻雖當位必合乘承比應而通觀之此易之不可為典要而自有典常也以人事論之如明懷宗非不中正但以任用非人不發內帑以賑災民驅使從賊復加賦充餉荼毒生民以致亡國屯膏之害莫著于此朱氏以商紂擬此爻似乎太過然使紂當日能發鹿臺之財散鉅橋之粟縱有他惡決不至亡可見施澤則吉屯膏則凶乃千古人主興亡之炯鑒也大學謂財聚則民散財散則民聚篇終諄諄以聚斂為戒與易實相表裏也與

象曰屯其膏施未光也

上六乘馬班如泣血漣如

陳氏士元曰坎有馬象上六乘之無應憂懼而已朱

氏元曰三仁似之

屯坎中一陽為乾上六乘之亦乘馬班如

象乾畫即馬也坎為血兌為涕泣泣血漣如象千古忠臣守義

此象曰泣血漣如何可長也

三三

坎下艮上

蒙亨匪我求童蒙童蒙求我初筮告

再三瀆瀆則不告利貞

王氏應麟曰乾坤既定人居其中屯以建侯作之君蒙以養正

作之師俞氏王吾曰童蒙求師如人之求神少儀云毋瀆神詩曰我龜既厭不我告猶即象言再三瀆義

也屯者物之始生也物生必蒙故受之以蒙屯象萬物始生以

震遇坎震為長男無所不統萬物象之蒙象人類始生以坎遇

艮艮為少男襍而待養人生象之坎于屯為難屯之端于蒙為

告蒙之主震坎艮三男隱具次第所謂自有典常也雜卦傳謂

屯見而不失其居蒙雜而著以反對取義所謂不可為典要也

坎為通亨象艮為少男童蒙象坎為中男在內自外求內匪我

求童蒙童蒙求我象坎為通為隱伏主通神明艮為手互震為

藩鮮主著草筮象九二居乾之中乾為言告象蒙為物之初生

易象通義一

而求明初筮告象坎再索艮三索再三瀆象艮為止不告象互坤坤利居貞利貞象以九二六五為卦主蓋九二主告六五主蒙也易備萬象蒙取初筮比取原筮革取未占有孚皆象也王氏宏撰據此證易為卜筮之書拘矣乾坤俱象龍易非為龍作也自龍戰于野以後象戰者極多易非為戰作也知此可與讀易矣

彖曰山下有險險

而止蒙蒙亨以亨行時中也匪我求童蒙童蒙求我志應也初筮告以剛中也再三瀆瀆則不

告瀆蒙也蒙以養正聖功也

蒙艮上坎下山下有險險而止象坎九二居中

為通亨行時中象九二六五正應志應象九二居中剛中象以瀆蒙而不告實深于告也以養正為聖功乃日有功也坤主養物而利貞象曰山下出泉蒙君子以果行育德

蒙坎

剛中果行象艮靜止育德象屯濟始難故經者理其緒而分綸者比其類而合蒙告初筮故果行象泉之始達育德象山之廣

生初六發蒙利用刑人用說桎梏以往吝

述義刑型也蒙有天性發其心所以亨其性利用儀型之人嚴
憚則邪念息觀摩則善心生蔽撤拘開桎梏用說然必當其初
而發之過初以往習染既深則必吝而難發矣此教貴豫也
蒙初六得巽之初巽為風風主發散發蒙象巽為利為繩直繩
主儀型利用刑人象坎為桎梏初六變兌兌為毀折用說桎梏
象二三四互震震為足主往互坤坤為吝畜初六承之以往吝
象刑人象傳以正法謂正其儀刑之法如常解作刑罰桎梏與
發蒙義隔與擊蒙義混教人太嚴必不相入故虞書謂敬敷五
教在寬利用刑人敬之謂也用說桎梏寬之謂也焉有以刑罰
為利之理以往與繫辭傳過此以往語勢恰符正以見發宜在
初也述義深得發蒙之旨尤與諸象相合陳氏士元解同謂莊
子解其桎梏即此義或謂刑人桎梏即大畜六四童牛之桎不
知大畜主懲惡貴嚴蒙主勸善貴寬
各自為義而教之貴豫其旨則一也

象曰利用刑人以

正法也

正其在己之法則教易入所謂以身教者從

九二包蒙吉納婦吉

子克家

胡氏炳文曰乾父坤母繼以屯蒙皆以子言之必如
屯六二貞不字可以為女子矣必如蒙九二子克家

可以為男子矣蒙九二以陽居中剛而能柔為卦之主坎為
宮包象上應六五童蒙包蒙吉象六五居離離為中女陰陽正

應納婦吉象坎為乾之中男能行陽教子克家象

象曰子克家剛柔接也

本義指二

五之

六三勿用取女見金夫不有躬无攸利

王注上不

求三而三求上女先求男行為不順故勿用取女孔疏上九剛陽故稱金夫朱氏元曰蒙必誠篤乃可發女必貞一乃可取六三為蒙不中失正舍比二而應上故不可取蒙六三承艮艮為止勿用取女象六三居兌之三兌為少女女象上九居艮為少男得乾之一陽乾為金金夫象互離離為見互坤坤為迷兌為毀折見金夫不有躬象坎為險无攸利象陳相見許行而大悅象

象曰勿用取女行不順也

六三以女求男宜比二而反應上行為不

此順六五象傳曰順以巽上九

六四困蒙吝

王注獨遠九二之陽處兩陰之

中闇莫之發伏兌成困困蒙象互坤坤為吝吝吝象

象曰困蒙之吝

獨遠實也

王注九二陽實所謂困而不學民斯為下矣

六五童蒙吉

王注

陰質居尊不自任察而委于二付物以能功斯克矣蒙六五柔德居中艮為少男正應九二童蒙吉象昭帝能任霍光後主

能任諸
其象此
象曰童蒙之吉順以巽也
蒙六五變巽順以巽象佩觿見刺于詩人

居位遺譏于閭黨順
巽之吉于古蒙箴
上九擊蒙不利為寇利禦寇
王氏

應麟曰易言利貞不言利不貞言貞吉不言不貞吉言利禦寇
不言利為寇
蒙上九過剛居艮艮為手乘六五屬離離為戈

兵六三居坎為寇上九以剛應之擊蒙象擊之得宜小懲大誡
化逆為順不利為寇利禦寇象齊人伐燕為寇也文王伐密禦

寇也
象曰利用禦寇上下順也
六三不順上善擊之上下俱順

䷄ 乾下
需有孚光亨貞吉利涉大川
序卦傳謂蒙者蒙也

物之稊也物稊不可不養也故受之以需蒙上艮三陽既備復
反于乾而交坎為需互離具水火既濟之象所以能養物也六

子之序莫如震用莫如坎離于此可見矣坎中實有孚象離為
火為日皆主光明坎為通光亨象錯坤坤利居貞貞吉象坎為

水為通利涉大川象剛不犯險利涉大川之象非一而首貴于
需也九五中正為需之主坤為信有孚象坎中實亦孚象程傳

謂中虛孚之本中
實孚之質是也
彖曰需須也險在前也剛健而不

陷其義不困窮矣需有孚光亨貞吉位乎天位

以正中也利涉大川往有功也

需上坎險在前象九五中正三陽下應剛

健不陷象坎爲通義不困窮象九五天位位乎天位以正中象惟不陷乃爲剛健冒險者非剛健也惟貞吉乃爲正中苟免者非正中也天下之患不勝防變亦不可勝待求需道者惟恃有孚光亨而已矣象曰雲上于天需

君子以飲食宴樂

李氏燾曰景祐末災異數起上憂之林瑀言災異皆有常數不足憂撰周易天

人會元紀用天子卽位年月日辰占所直卦以推吉凶言上卽位其卦直需其象曰雲上于天需君子以飲食宴樂臣願陛下頻出宴遊極水陸玩好之娛則合卦體當天心矣上駭其言爲賈昌期所劾需坎爲酒食互離爲口飲食象乾爲陽舒互兌爲說宴樂象拘于焦京卦氣值年之說每多附會然因事納規猶可林瑀之離經畔道斯已甚矣故錄之以爲戒初

九需于郊利用恆无咎

需初九承互兌兌爲剛幽需郊象恆上震震得乾陽故需初九

居震利用恆象獨寤寐歌需于郊也永矢弗過利用恆也

象曰需于郊不犯難行

也利用恒无咎未失常也 九二需于沙小

有言終吉 需九二互兌兌為剛鹵沙乃兌之去剛而交鹵者需沙象兌為口舌小有言象兌為說終吉象

肆不殄厥愠小有言也 象曰需于沙衍在中也雖小亦不隕厥問終吉也

有言以吉終也 朱氏元曰穆天子傳乃遂東征至于沙衍則衍即沙也 九二居中惟中故衍衍取

寬舒不 九三需于泥致寇至 胡氏炳文曰漸三互坎而日禦寇艮剛而能止也需

三遇坎而日致寇乾剛而不中也 需九三互兌兌為剛鹵泥則兌之去剛而全鹵者需泥象上體坎坎為盜互離為戈兵致

寇至象坎為水初九遠水為需郊九二略近水為需沙九三切近水為需泥 象曰需于泥災在

外也自我致寇敬慎不敗也 天下無無因之禍致寇而日自我儒之耽濁之

投皆是也臣罪當誅天王 六四需于血出自穴 需六四居坎之

聖明敬慎不敗之道也 初坎為血需血象為隱伏穴象應初九之陽出自穴象子 象

羔臨危不賣止室避追需于血也柴也其來出自穴矣

曰需于血順以聽也

六四居巽之初順以聽象

九五需于酒食

貞吉

述義五為需主當速客之位需于酒食以養賢也需九五剛中得正坎為酒離為口需于酒食象錯坤之中

坤利居貞貞吉象漢高以推食待豪傑宋祖以杯酒釋兵權象此

象曰酒食貞吉以中

正也

上六入于穴有不速之客三人來敬之

終吉

述義客為五來非由上速故為不速之客楊氏啟新曰剛之能需乾易知險也柔之能需坤簡知阻也上不

言需險極无復有需也李氏光地曰寇至敬則不敗客來敬之終吉需上六居坎之極坎為險為隱伏入穴象乾三陽為長

男中男少男不速之客三人來象坎為下首敬之象得九三之應終吉象

象曰不速之客來

敬之終吉雖不當位未大失也

述義五以中正主一卦上柔順能敬三陽

雖不當于主位能敬未為大失周氏封魯曰當平聲本義程傳不知皆曲為之說



坎下訟有孚窒惕中吉終凶利見大人不

利涉大川

陸氏振奇曰以健遇險能待則可故需利涉大川以健乘險僥倖則有災故訟不利涉大川

卦傳謂需者飲食之道也飲食必有訟故受之以訟千古訟有百端爭利者十居七八唆訟之徒更為飲食起見卦序實人情之金鑑也需坎乘互離以水火既濟而能養訟互離乘坎以火水未濟而相爭坎中實孚象為險阻窒象為加憂惕象得乾之中中象上九亢龍有悔終凶象乾九五得位利見大人象坎為水川象互巽為不果不利涉大川象以九二九五為卦主五又二之主也

彖曰訟上剛下險險而健訟訟有孚窒惕

中吉剛來而得中也終凶訟不可成也利見大

人尚中正也不利涉大川入于淵也

王氏拱東曰訟上乾體之

剛來得坎體之中訟九五主聽訟者居中得正視九二中而不正者異矣故九五爻辭為訟元吉而象謂以中正也利涉大川之象非一首貴于需利見大人之占非一尤徵于訟

象曰天與水違行訟君

子以作事謀始

王注聽訟吾猶人也必也使無訟乎無訟在于謀始謀始在于作制故有德司契而

不責于人孔疏天道西轉水流東注天與水違行象王氏畿曰

作事謀始君子所以清訟源也是故皋陶期無刑孔子使無訟

訟乾知大始始象坎為心心主作謀作事謀始象天水違行

訟斯有作事謀始訟可無待時而動故飲食宴樂取諸需先時

而防故作事初六不永所事小有言終吉訟初六得

謀始止夫訟初六不永所事象九四居乾為言初六

應九四互巽巽為不果不永所事象九四居乾為言初六

應之小有言象初六陰柔得四之剛其辯可明終吉象

象

曰不永所事訟不可長也雖小有言其辯明也

俞氏玉吾曰象言訟不可成象九二不克訟歸而逋

言訟不可長孔子之戒深矣

其邑人三百戶无眚訟九二與五為敵訟象承互巽巽

象居坎變坤坤為地邑象坎為宮戶象坤為眾上乾三陽其邑

人三百戶象坎多眚得中互巽无眚象相如避廉頗而趙無恐

寇悔避賈復而

象曰不克訟歸逋句竄也自下訟

漢以興象此

上患至句掇也下謂二上謂五以下訟上患至若掇垂戒

著明亢咥訟君而終凶鄭華訟父而卒滅

其炳鑒與六二食舊德貞厲終吉或從王事无成

三應

上九乾為天德舊德象互離為田為口食舊德象坤利居貞坎為加憂貞厲象得應終吉象應上九或從王事象互巽不果无成象坤六三或從王事无成有終以六三變艮艮成終故言有終訟六三互巽九艮故无成而不言有終苟全性命于亂世不求聞達于

諸侯象曰食舊德從上吉也

上謂

九四不克訟復

即命渝安貞吉

王注處上訟下可以改變者也反從正理不失其道郝氏敬曰訟九四復即命渝以

一陽在乾下有復象也訟九四下應初六初既不承所事四亦不克訟復就初之命而渝互巽巽為不果又為命不克訟復

即命渝象以剛居柔坤利居貞安貞吉象齊桓之許鄭服楚莊之解宋圍象此象曰復即命渝

安貞不失也九五訟元吉

訟九五得乾之九五元吉象即作事謀始之吉

象曰訟元吉以中正也

張氏清子曰聽訟以中正為主訟獄之歸舜虞芮之質文

此以上九或錫之鞶帶終朝三褫之

訟上九剛極健訟三應于下坤

為牛離為文飾犖帶牛革或錫之犖帶象離為日上為終三居革位革主張三離錫之仍可革之終朝三褫象千古以酷吏獲賞善終者鮮唐之周興來俊臣明之崔呈秀許顯純尤為殷鑒

象曰以訟受服亦不足

敬也

朱氏元曰不足敬所以深鄙之



坎下

師貞丈人吉无咎

王注興役動眾无功即罪故吉乃无咎本義下

坎上坤坎險坤順坎水坤地古者寓兵于農伏至險于大順藏不測于至靜之中卦唯九二一陽居下卦之中為將之象上下五陰順而從之為眾之象九二以剛居下而用事六五以柔居上而任之為人君命將出師之象丈人長老之稱用師利于得正而任老成之人乃得吉而无咎程傳先王之制民無事則為比閭族黨故比眾在內一陽在上為之主君象也有事則為伍兩卒旅故師眾在外一陽在下為之主將帥象也王氏應麟曰種明逸放以易學名其後世衡至師道累葉為名將郭達以將帥顯其後兼山孝忠白雲雍皆明易益易之為書兵法悉備述義師丈人九二也震為長子二剛得中坎水內明震雷外威齒德俱尊知勇兼至序卦傳謂訟必有眾起故受之以師王者以赴愬而行誅敵國以爭柔而起釁皆是物也訟以坎遇乾聽訟

主乎陽師以坎遇坤殺伐從于陰陽之所不能施者以陰克之故兵爲凶事聖人不得已而用之師不可言元亨利惟斷之以貞而已彖言无咎又三言无咎蓋師最易獲咎吉亦僅可云无咎耳坤利居貞貞象互震震爲長男又爲九二一陽將帥之主丈人吉象以九二六五正應爲卦主

彖曰師眾也貞正也能以眾正

可以王矣剛中而應行險而順以此毒天下而

民從之吉又何咎矣

王注毒猶殺也孔疏剛中謂九二應謂六五行險謂坎順謂坤若剛中而

无應或有應而不剛中或行險而不柔順皆不可行師得吉胡氏炳文曰日以眾正見將所得專而制之曰毒天下見師不得已而用之若孟明之遇秦穆可謂剛中而應者矣曹彬之下江南可謂行險而順者矣剛中而无應岳武穆之于高宗是也有應而不剛中賈似道之于理宗是也行險而不柔順項羽之焚咸陽祖逖弗禁標掠是也吉凶蓋可觀矣

象曰

地中有水師君子以容民畜眾

陸氏振奇曰民不曰治而曰容樂利之意

多眾不曰用而曰畜窮蹙之情民師坤爲眾民眾象爲地爲母包納坎水容畜象杜少陵謂僕射如父兄郭汾陽真能容民

畜眾者矣初六師出以律否藏凶師初六在行師之始號令宜明步伐宜嚴坎為律師

出以律象坎為多眚否藏凶象否藏即傳夫律之意象曰師出以律失律凶也

胡氏炳文曰以律不言吉失律則言凶否藏以失律實之豈待與尸哉即失律已凶也是故莫敖亂次以濟敗之媒高克河

上道遙九一在師中吉无咎王三錫命陳氏士元曰

命五應也五曰長子帥師二應也二互震震木數三故曰三錫

師九二居下體之中而統五陰主乎中軍在師中吉无咎象

合初六為巽巽為申命命象上體伏象曰在師中吉承

乾三乾三陽又為君王三錫命象

天寵也王三錫命懷萬邦也彙參寵不曰王而曰天

言威而信懷明震疊懷柔之義師中危道也又譏閒易與疑

誘叢集之區也惟承天恩寵眷維持而安全之不猜其心不擊

其用能指揮如意而獲吉也然王寵命頻頒豈有所私于此

一人而樂其窮兵黷武哉夫亦萬邦是懷而欲克壯其猶者底

定而輯六三師或輿尸凶王注以陰處陽以柔乘剛進

殺之也

才弱位剛不與二比而強進居坎之極坎為血為加憂干象
與為多責與尸凶象馬謖不受武侯節制街亭致敗象此

日師或輿尸大无功也 六四師左次无咎

注王

无應不可以行得位則可以處孔疏師在高險之左以次止則

无凶咎漢書韓信云兵法欲右背山陵前左水澤 師六四以

柔居陰乘坎坎為水左水澤坎止象李牧之待匈奴廉頗之禦

白起皆以左次无咎者也一易其法焉得不敗師著此象旨深

哉 象曰左次无咎未失常也 未失常其為功也大矣

是故曰不戰而詘人之

兵 六五田有禽利執言无咎長子帥師弟子輿

尸貞凶 孔疏莊氏云長子謂九二弟子謂六三胡氏炳文曰

自眾稱之曰丈人自君稱之曰長子彙參震之長子

主器師之長子帥師朱氏元曰左桓公伐楚仗義執言語當本

此 師六五以柔居尊得離中畫離為田又為飛田有禽象變

艮艮為手離為口利執言象九二以一陽互震長子象統五陰

帥師象此爻辭之論互體確然有據者六三為弟子輿尸象金

兵孤軍深入田有禽也種師道欲俟其情歸扼而殲諸河誠為

上策宋不敢執言攻之何哉其不利宜矣師象爻皆不言利此

獨言利正所謂義之和亦鼓弱君之氣也功利而當其可即義也哥舒翰潼關之敗中使催戰之過也所謂弟子與尸也宋明多以監軍致敗亦其驗矣

象曰長子帥師以中行也弟子與尸使不當也
長子帥師而要之于中戒為將者也弟子與尸而歸之于使戒命將者也
上六大

君有命開國承家小人勿用
邵氏寶曰弟子與尸戒于命將之初小人勿用

戒于成功之後李氏九我曰開國承家所以優功臣而廣封建見聖人待天下之公小人勿用所以馭才將而絕禍端見聖人治天下之正彙參解難既平矣必曰小人退既濟三年克矣必曰小人勿用即師上六小人勿用也師上六純坤坤為地為眾為柄伏乾三乾為君大君有命開國承家象變蒙蒙上九為艮艮為止小人勿用象商周佐命一德一心勿用小人固為明驗秦漢以後使貪使詐既難有擇于前卦王封侯遂挾無厭于後項氏印刑不舍因以致亡漢高帶殲稍遲幾乎招叛恐非優以金帛所克制其咆哮也不得已如唐宋而還元明之際僅酬虛爵弗假實權圭組羈縻或亦勿用之善術矣然當師出以律之初即當小人勿用之戒能以眾正始終守之此貞之一言所以為師之本與

象曰大君有命

以正功也小人勿用必亂邦也

張氏雨君日行師之中王三錫命則在于

懷邦成功之後大君有命則恐其亂邦



坤下坎上

比吉原筮元永貞无咎不寧方來後

夫凶

彙參先天天下之憂而憂者命將懷邦一人之心在天下後天下之樂而樂者萬方歸附天下之勢在一人此師

之後所以繼比也胡氏一柱曰六十四卦惟蒙比以筮言蒙問之人者也不一則不專故貴初筮比問在我者也不再則不審故必原筮序卦傳謂師者眾也眾必有所比故受之以比師內坎外坤以險行順象伐罪弔民比內坤外坎居順安險象太平一統坎為通為隱伏主通神明互艮為手筮象蒙坎在內為初筮比坎在外原筮象九五得乾之中乾為元元象坤利貞永貞象坎險不寧來于坤順不寧方來象上下五陰俱比九五一陽亦不寧方來象必兼二義卦象方全蓋易順倒交互動而不括也上六居末陰柔之極失比于五後夫凶象以九五一陽為比之主

彖曰比吉也比輔也下順從也原

筮元永貞无咎以剛中也

不寧方來上下應也後

夫凶其道窮也

孔疏比所以得吉由比者人來相輔也

順從也元始也永終也猶言始終一于貞也惟其始終于貞所以取象原筮

象曰地上有水比

先王以建萬國親諸侯

主氏應麟曰釋文引子貢傳云地得水而柔水得地而流

故曰比周禮夏官疏同彙參萬國曰建天下猶一人胡氏炳文曰師之容民畜眾為井田比之建國親諸侯為封建比坤為地為眾建萬國象坎為水依地親諸侯象有事則伍兩卒旅故容民畜眾取諸師無事則為族黨里閭故建國親侯取諸比時宜有異時用則同故井田封建可廢而師比未嘗廢

初六有孚比之

无咎有孚盈缶終來有他吉

陸氏振奇曰師之貞莫如律比之貞莫如孚胡

氏炳文曰大過九四有他吝中孚初九有他不燕皆戒其有他惟比初六有他吉孚之效也比初六近比六二六二居坤之中主信初六比之有孚无咎象六二坤土缶象初六比之有孚盈缶象六二應九五初六比之不期應五而自應終來有他吉象千古信友獲上象此

象曰比之初六有他吉也

六二比

之自內貞吉

比六二柔順中正上應九五自內比外比之自內象坤利居貞貞吉象千古得君行道象

此象曰比之自內不自失也 六三比之匪人

陳氏士元曰上六无首是為匪人述義三不中正應上六之後夫雖亦比五而有二心不孚不貞故曰匪人彙參比之匪人黨小人否之匪人害君子 比六三互艮為闕寺比之匪人象象曰比之匪人不亦傷

乎 六四外比之貞吉

比六四柔順當位下比初二上比九五居外卦之初互坤利居

貞外比之貞吉象六二內比者窮不失義之本六四外比者達不離道之誠

象曰外比于賢

以從上也

賢謂初二上謂九五以人事君大臣之義

九五顯比王用三

驅失前禽邑人不誠吉

孔疏三驅先儒皆云驅禽射之

有禽則利執大勇之威比五失前禽而不驅大公之量 比九五一陽顯于五陰顯比象居乾之中乾為君王象伏離離為田乾數參天互艮為手乘坤為輿王用三驅象離為禽上六居前為前禽屬兌為毀折失前禽象六三居坤為邑九五居乾為言

互艮為止邑人不誠象蓋九五于初二四來比者則顯之于三
上不比者任其失而不誠來者不拒往者不追以德化民大公
无我吉孰甚焉虞舜之于
有苗漢文之于南粵象此
象曰顯比之吉位正中也

舍逆取順失前禽也邑人不誠上使中也

可使不中者化于中上六比之无首凶
胡氏炳文曰乾无首剛而能柔故吉比无首柔而背

剛故凶比上六外九五而不比九五居乾為首上六外之
比之无首凶象禹以後至戮防風周以不庭征徐國象此
象

曰比之无首无所終也

三三 乾下 巽上 小畜亨密雲不雨自我西郊
折中地氣上騰天氣

未應故密雲不雨陰感而陽未應故自我西郊臣子志存家國
未得君父和合之象彙參自我西郊文王之心在小畜夷于南
狩文王之遇在明夷 序卦傳謂比者比也比必有所畜故受
之以小畜比取陽為眾所歸故以一陽比五陰小畜取陰為文
所聚故以一陰畜五陽六四九五為坎坎為通亨象坎為雲密
雲象巽為風風以散之互離為日日以烜之不再象互兌兌為

西為郊西郊象文王自謂自我西郊象六四一陰柔順得正為卦主詰此卦者牽于陰為小人之說每多失解不知以六居四純臣之道故文王以之自喻而嘆陽不和陰不能成雨以澤天下實自我西郊為之不尤人而自尤貞純之心殷然如揭蓋扶陽抑陰者防其變以陰助陽皆順其常未可執一也

應之曰小畜健而巽剛中而志行乃亨密雲不

雨尚往也自我西郊施未行也

朱氏元曰柔得位而上下應之夫子明以

六四為純臣若作小人豈上下陽應之皆小人耶于此誤看全卦俱謬矣小畜以柔居四五陽俱應柔得位而上下應象下健上巽九五剛中居坎為通健而巽剛中而志行乃亨象六四得位近比九五有密雲不雨尚往象兌澤難周有自我西郊施未行象尚往者文王為臣止敬之心未行者文王視民如傷之意

象曰風行天上小畜

君子以懿文德

任氏啟運曰姤風行天下施已行故以誥四方小畜風行天上施未行但以懿文德

然懿文德誥四方之本已備詩曰矢其文德洽此四國小畜乾健為德離明為文巽順為懿懿文德象全體象離亦懿文德

象彖謂密雲不雨自我西郊嘆恩澤不被于天下而僅初九

復自道何其咎吉小畜初九一陽在乾下為復與象四為正應復自道何其咎吉象

日復自道其義吉也九二牽復吉陳氏士元曰二牽五

牽皆取畜義小畜九二與初牽連而復于四乾為馬比類相從巽為繩直己以進牽復吉象象曰牽復

在中亦不自失也九二與說輻夫妻反目小畜

九二過剛不中居乾為圓與輻象互兌毀折說輻象二乾為大四巽為妻巽為白眼夫妻反目象象曰夫

妻反目不能正室也朱氏元曰三失中自不能正非室人之過六四有

孚血去惕出无咎小畜六四柔順得正純忠性成居巽之初得坤之一陰互離得坤之中畫

坤土主信有孚象六四九五為坎坎為血為加憂上下應之血去惕出无咎象文王釋于羑里象此局勃厚重一呼而軍皆左袒汾陽忠實單騎而虜遂請盟九五有孚攣如富以其亦有孚者血去惕出之驗也

鄰

小畜九五居中象坎坎堅多心有孚象變艮艮為手學如象居巽巽近利市三倍五之有孚全在四之孚以感之

富以其鄰象以一節論如村之封西伯賜斧鉞亦象此特不能充其類耳必如臣鄰交贊之世咸有一德之朝方為不愧象

曰有孚學如不獨富也

對惟獨富故成獨夫象亦藉以示戒明鄰之不可少也

上

九既雨既處尚德載婦貞厲月幾望君子征凶

小畜上九乘九五六四二畫成坎坎為雨以上九居上視之既雨象上九一陽居艮艮為止既處象以上九從六四之陰德乘坎為與尚德載象德即象傳文德上九尊尚而載之也六四一陰得正而施膏雨之澤怵惕維厲婦貞厲象坎為月四切近五月幾望象六四處巽知足上九亦疑慮不敢前進若再往則必致凶君子征凶象十亂之徒當文王末年養晦候時策此此爻正繫辭傳所謂中心疑者其辭枝故從無的語竊本象傳德積載有所疑二語釋之言德積載則凡指六四小人亢陽諸說謬矣言有所疑則凡以君子征凶作實象著戒謬矣歸妹六五月幾望吉為陰應陽中孚六四月幾望无咎為陰從陽小畜上九月幾望為陰疑陽象傳一疑字為此爻指南之車非孔子莫能言也王氏應麟以為陰亢陽則凶蓋未明全卦之旨又誤會君

子征凶之文也但以文王嫌疑時勢思之則于卦爻皆豁然矣
象曰既雨既處德積載

也君子征凶有所疑也

三三 兌下 履虎尾不咥人亨
序卦傳謂物畜然後有禮故受之以履禮主于

有而廢于無既富方穀之義也小畜以巽乘乾故有懿德之美一陰處柔則當位獲休履以兌應乾故有定志之貞一陰處陽則犯上可戒初九居震震為足履象乾為虎兌承其後履虎尾象互離離為口咥象兌為說互巽為不果不咥人象九二九五皆坎坎為通亨象蓋履為言禮禮莫先于君臣之分故彖以兌應乎乾著虎不咥人之象以明其常久以六三陰犯乎陽著至人之凶以示其戒見事君者有禮則安無禮則危之大較也至以用禮全體言之則貴居高能下反已自脩故九五以剛居柔乃為其旋元吉以上九為卦主
彖曰履柔履剛也

說而應乎乾是以履虎尾不咥人亨剛中正履

帝位而不疚光明也
朱氏元曰莊子謂虎媚養己者順也即說應乎乾之意 履以兌承

乾有柔巽剛說而應乎乾象九五陽剛中正有剛中正履帝位而不疚象乘五離光明象九五爻辭既為夫履著戒其貞不可沒持于彖傳發之周公碩膚處變令公聞詔班師皆說而應乎乾者也臣能柔順履虎尾其何凶君貴光明履帝位而不疚

象曰上天下澤履君子以辯上下定民志

履乾主斷

辯上下象兌主說定民志象繫辭傳謂天尊地卑乾坤定矣澤又地之至卑者也其義為說處卑不說志所由不定也卑而能說上應乎乾故為辯上下定民志之象小畜之義狹故文德懿而施未行天澤之分嚴故上下辯而民志定畜者博學於文履者約之以禮初九素履往无咎胡氏炳文曰履初言素禮以質為本也賁上言白文之極

為質也履初九得震之一陽震為足履象兌為金屬白素履往象忠信之人可以學禮无咎象

象曰素

履之往獨行願也

中庸謂君子素其位而行不願乎其外與此相發

九二履

道坦坦幽人貞吉

胡氏炳文曰履九二剛中无應故曰幽人貞吉許之也歸妹九二剛中有

應故曰利幽人之貞戒之也履九二剛中无應與初九重剛陽實坦而又坦兌為郊為說履道坦坦象得坎之中坎為中男

為幽谷幽人象得中而不自亂貞吉象咸九四爻動
故往來憾其憧憧履九二守中故貞吉形其坦坦
象曰幽

人貞吉中不自亂也
華歆遇達官出視殷浩以六三
怪事書空知其方寸亂矣

眇能視跛能履履虎尾咥人凶武人為于大君

王注以陰居陽以柔乘剛耿氏南仲曰歸妹初九不中則為跛
九二不正則為眇履六三不中不正則為跛眇眇任氏啟運曰就
全體言則應乾者兌之公故不咥就一文言則志剛者三之私
故咥人胡氏炳文曰九二剛曰幽人六三柔曰武人陽主生陰
主殺也履六三互離離為目承九四居震震為足兌為毀拆
眇能視跛能履象乾為虎九四虎尾上九虎首六三承九四應
上九互離為口履虎尾咥人凶象離為甲冑為戈兵武人象九
五乘離有大君象六三志剛肆意而為為于大君象眇湘東跛
侯景或懷觀望或肆強梁謬冀龍
象曰眇能視不足以
興終投虎口聖人之易懸象著明

有明也跛能履不足以有行也咥人之凶位不

當也武人為于大君志剛也
大象傳謂辨上下定民志六三象謂志剛剛則

不定而犯
上作亂矣
九四履虎尾愬愬終吉
王注逼近至尊以陽承陽處多懼之地然

以陽居陰以謙為本雖處危懼終獲其志邱氏富國曰二有坦坦之貞四有愬愬之懼二得中四不得中也履九四近承九五正當虎尾居震震為足履虎尾象震為

恐懼愬愬象能行其敬君之志終吉象
象曰愬愬終吉

志行也
志剛者不定之志也志行者素定之志也
九五夬履貞厲
王注得位居尊以剛

決正履道惡盈是以貞厲邱氏富民曰二貞吉五貞厲者二以剛居柔五以剛居剛也胡氏炳文曰九二在下患其不能樂故

以履坦為貞九五在上患其不能憂故以夬履為戒履九五應兌成夬夬履象此錯綜取象也九五中畫為坎坎為加憂貞厲象宋祖嘗以乘快決事貽悔象此禮喜謙而惡盈故雖

以剛中之德不疚之懷光明之度猶且致厲著戒深矣
象

曰夬厲貞厲位正當也
當平聲本義傷于所恃
上九視履考

祥其旋元吉
王注禍福之祥生于所履處履之極履道成矣故可視履而考祥也居極應說高而不危

是其旋也孔疏旋謂旋反也下應兌說旋反行之故元吉履上九下應六四互離離為目視象以上應下視履考祥其旋元

吉象剛而能柔卽乾用九見羣龍无首之吉也旋如旋其面目
之旋孔訓旋反最確察言觀色視履考祥也慮以下人其旋元
也吉也
象曰元吉在上大有慶也
朱氏元曰在上視履陽
道可行于下天下有慶
也

易象通義卷一終

左樹瑛校字

丁禧瀚覆校

丁兆松覆校

陳凌續校

易象通義卷二

漢川秦篤輝撰



乾下坤上

泰小往大來吉亨

孔疏物既太通多失其節故四德不備而象云財成

輔相序卦傳謂履而泰然後安故受之以泰有禮則安古今之大閑也履以兌應乾事上之敬泰以乾下坤待士之誠上下交孚於履泰占其極焉外爲往內爲來坤上乾下陰往陽來小往大來象九二居坎坎爲通吉亨象二五相應爲卦主

彖

曰泰小往大來吉亨則是天地交而萬物通也

上下交而其志同也內陽而外陰內健而外順

內君子而外小人君子道長小人道消也

陸氏贊曰

情有通塞故否泰生情有厚薄故損益生易象乾下坤上曰泰坤下乾上曰否損上益下曰益損下益上曰損乾爲天爲君坤爲地爲臣天在下而地處上於位乖矣而反謂之泰者上下交故也君在上而臣處下於義順矣而反謂之否者上下不交故

也上約己而裕於人人必說而奉上矣豈不謂之益乎上蔑人而肆諸己人必怨而叛上矣豈不謂之損乎吳氏綺曰六十四卦獨乾坤泰否四卦言陰陽以泰否內外得乾坤之全體也邱氏富國曰天地之形不可交而以氣交氣交而物通者天地之泰也上下之分不可交而以心交心交而志同者人事之泰也黃氏淦曰於履見上下之分嚴於泰見上下之情通王氏應麟曰君子道盛小人自化故舜湯舉皋伊而不仁者遠玉泉喻氏瑤構字云泰小人道消非消小人也化小人為君子也象

曰天地交泰后以財成天地之道輔相天地之

宜以左右民

泰天地之道慮太過貴財成如恆陽恆雨之類天地之宜慮不及貴輔相如備水備旱之

類互兌屬金財成象互震屬木輔相象天行健坤載物左右民象天地鼓萬物而不與聖人同憂聖人吉凶與民同患所以盡代天司牧之職者惟在左右之而已左右無成規無定局無委卸無止休於泰之時為尤急蓋通極必竭盛極則敝財成輔相庶可保全若徒紛飾太平坐安逸樂則一朝禍發潰不可支矣使徒委於天地之時運使然而曰無負我事也益於聖人之言深長思也哉或以泰時積弊難挽軍體重大憚於更張苟安以冀幸無事不知其禍未發之時猶可致力視於既發而消殄之

其勞逸去萬萬矣况既發有無可如何者如明末憚於賑飢之賢治民悉為賊束手坐亡而已老子曰其安易持其未兆易謀九於泰象之

初九拔茅茹以其彙征吉

王氏應麟曰泰之征吉引

其類以有為否之貞吉潔其身以有待泰初九為震之一陽又應六四互震震為動為蕃鮮拔茅茹象三陽連類而進以彙

征吉象曰拔茅征吉志在外也

外謂六四

九二包荒用

馮河不遐遺朋亡得尚于中行

曹氏勳曰曹奇玉云易之陰陽倚伏直欲

以包荒小人為量不專以決去小人為能折中包荒者聖賢之心然必斷以行之明以周之公以處之用舍舉措乃合於中魯論寬信敏公蓋相似泰九二應六五之坤坤為地地者荒也六五應之包荒象二得乾之坎坎為川河象初九居震震為足九二乘之馮河象以二視五為遐應五不遐遺象不為初九九三所係上應六五朋亡得尚于中行象初九彙征斯為羣九二朋亡乃

象曰包荒得尚于中行以光大也

六五居離離為文明

非黨九二應之光大象漢之孔光張禹五代之馮道皆可謂包荒者而不得尚于中行以其心之曖昧不明寵利自小也故聖人曰

以光 九三无平不陂无往不復艱貞无咎勿恤其

孚于食有福

王氏應麟曰泰之三无往不復陽之極也而否將萌否之四有命无咎陽之復也而泰將

至 泰九三重剛居內卦之極乾當變坤得乾之艮艮為山无

平不陂象乾復為坤无往不復象互震震恐懼修省艱貞无咎

象九三六四為坎坎中實孚象互兌為說為口舌乘乾為福勿

恤其孚于食有福象无往不復安命之規也勿恤其孚立命之

本也諸葛武侯隆中之對已定三分孚也仗義討賊成敗利鈍

非所逆觀勿恤也俎豆馨香于食有福周公豈欺我哉彼譙周

斤斤以天命為言勸後主 象曰无往不復天地際也

降賊恤孚甚矣不其餒而 象曰无往不復天地際也

合為泰之木際 六四翩翩不富以其鄰不戒以孚

主分為否之萌 泰六四得巽之一陰巽為近利市三倍

乾樂上應坤樂下應 以六五上六二體失實翩翩不富象坤主信應三陽之鄰而成

泰以其鄰不戒以孚象小畜上巽故九五象為富以其鄰以上

九得陽為實也家人上巽六四象為富家大吉以九五上九得

陽為實也凡言富與 象曰翩翩不富皆失實也不戒

不富皆與巽相關

以孚中心願也

皆失實謂居坤中心願謂應乾

六五帝乙歸妹以祉

元吉

郝氏敬曰有以互體為象者如泰中互歸妹六五爻辭俱云帝乙歸妹蓋以中二爻顛倒為互互體之一例也

泰六五五者君位六者陰數帝為君主乙為陰干帝乙象六五得離之中離為中女與九二之坎中男陰陽正應歸妹象應乾乾為元以祉元吉象君能虛懷下賢所以成泰帝乙象乾鑿度及子夏傳謂湯左傳

朱氏元曰本中德以求賢行所願而非強

象曰

以祉元吉中以行願也

朱氏元曰本中德以求賢行所願而非強

上六城

復于隍勿用師自邑告命貞吝

孔疏子夏傳云隍是城下池也城由基土

培扶君由臣之輔翼上下不交臣不扶君君道傾危故云城復于隍泰上六下應九三九三乾上畫屬艮艮為門闕城象上

六坤上畫屬兌兌為澤隍象由艮復兌兌為毀折應四艮止勿用師象上六居坤坤為野邑象兌為口舌自邑告命象坤利居貞貞象為吝嗇吝象周自春秋時不能奮武全以文命周旋強薄勉強支持其德已甚貞吝極矣王能軍而肩已中鼎敢問而滿有辭周公之明能燭萬世者與

象曰城復于隍

其命亂也

朱氏元曰泰極而否雖曰天命實由大事

䷀ 乾上

否之匪人不利君子貞大往小來

孔疏陽主

生息故稱大陰主消耗故稱小鄭氏道元曰殷紂納崇虎之言因西伯於美里散宜生南宮适見文王乃演易用明否泰始終之義焉陳氏士元曰否雖氣運然所以致否者由於匪人顧氏炎武曰序卦雜傳皆旁通之說或者疑非夫子之言然否之大往小來承泰之小往大來也解之利西南承蹇之利西南不利東北也是文王已有相受之義矣徐氏幾曰泰先言小往大來而後言吉亨以天運推之人事也否先言不利君子貞而後言大往小來以人事參之天運也泰則歸之天否則責之人聖人之意淡矣序卦傳謂泰者通也物不可以終通故受之以否天下之生久矣一治一亂泰三陽繼以三陰治者亂之機否三陰繼以三陽亂者治之漸此倚伏循環之不爽者也大抵泰多危辭所以明保泰之戒否多厚望所以寄傾否之心三陰並進否之匪人不利君子貞象陽外陰內大往小來象以九五休否為卦主

君子貞大往小來則是天地不交而萬物不通

也上下不交而天下无邦也內陰而外陽內柔

而外剛內小人而外君子小人道長君子道消

也

志不同即无邦商所以貴一德周所以尚一心

象曰天地不交否君子以

儉德辟難不可榮以祿

湛淵靜語楊誠齋曰非忍天下不可忍之窮不能辟天下不可

辟之難

否九五居坎為難為吝嗇互巽為伏儉德辟難象乾為祿互艮為止不可榮以祿象凡人之溺於榮祿多由不能儉

始蹈於危難亦由不能儉而慕榮祿始此儉德為辟難之資雖欲榮之以祿而不可也先儒謂咬得菜根斷無事不可為何允

謂月食四斗米不盡何容得有宜情皆儉德之旨哉

初六拔

茅茹以其彙貞吉亨

否初六得坤之巽又應九四互巽巽為陰木為白為長互艮為手亦拔

茅茹象大過初六藉用白茅以下體巽否象與大過同三陰連類與泰三陽相似亦以其彙象坤利居貞貞吉亨象泰初之彙惟征斯吉否初之彙必貞乃吉聖人於小大之初猶以君子望之

象曰拔茅貞吉志在

君也

君子恐其有忘世之心故曰志在外
小人恐其有私已之念故曰志在君

六二包承小

人吉大人否亨

章氏懋曰易不為小人謀不為之謀小人
之事耳小人欲為君子易未始不為之謀

王氏應麟曰楊龜山謂子見南子包承者也此大人處否而亨
之道朱文公謂非所以為訓若使大人處否而包承小人以得
亨亦不足為大人矣 否六二上承九五之陽包承象陰為小
以陰而得位承陽小人吉象陽為大大於此而不得位而否合
其道應坎之一陽坎為通亨象封德彝在隋為佞事唐以忠包
承者也武氏任用狄梁公亦包承者也徐元直不為曹操謀管
幼安不為丕大中大人否亨也人知亨之為亨不知否
之為亨伊呂莘野潢溪孔顏筆瓢疏水否无往不亨也

象曰

大人否亨不亂羣也

不曰堅乎磨而不磷不曰白乎
涅而不緇此不亂羣之實也

六

三包羞

王注用小道以承其上而位不當所以包羞陳氏士
元曰天包地外有包荒象地不能包天故云包承包

羞乾坤分量如此吳氏一源曰否下三爻曰貞吉曰包承曰包
羞聖人不極言小人之惡以開遷善之門 否六三不中不正
以應上九互巽巽為伏為臭為多白眼包羞象飲黃龍湯為村
夫吠小人無所不至一言以蔽之曰羞而已矣凡小人之所謂

九三或謂之羞以居巽此以互巽主皆與巽相關 象曰包

羞位不當也 九四有命无咎疇離祉 胡氏炳文曰泰過中

變否亂不生於亂而生於治也否過中轉泰治不生於治而生

於亂也 否九四為乾互巽為命天將轉泰有命无咎象九四

與六三為離上體三陽並進時離社象泰之小人應君 象曰

子則鄰以孚否之君子從君子則時離祉各從其類也 有命无咎志行也 四當改革 陽志得行 九五休否大人吉其

凶其凶繫于苞桑 孔疏休美也謂能行休美之事於否塞

書曰雖休勿休者無伐善之心易曰其凶其凶者不忌危之道

否九五變離離為文明休否象居坎坎為加憂其凶其凶象


坎于木為堅多心互巽為繩繫于苞桑象文王陰行善于紂惡

之時美里幾危玉門終出正符此象六二丈人亨其否獨善一

身九五丈人休其否兼善天下復六二以 象曰大人之吉位

居離為休復此以變離為休否類觀自確 正當也 上九傾否先否後喜 胡氏炳文曰以陰柔居

陽剛居否之終故卒能傾否黃氏琬曰屯上六不能濟屯否上九乃能傾否否上九變兌兌為毀折為附決有傾否象為說先否後喜象湯以震業而正域武以養晦而純熙象此象曰否終則傾何可長也



離下

同人于野亨利涉大川利君子貞

序卦傳謂

物不可以終否故受之以同人蓋能傾天地之否者人也否上乾下坤天地不交而成否同人上乾下離健明相應而為同泰否同人備三才之理天地貴交人貴交而无私交故同人不取係應於六二九五成卦之主一則著其于宗之吝以示戒一則象其相遇之艱以為防皆明中正而應之道而已六二得坤之中畫坤為野同人于野象九五屬坎之中畫坎為水互巽為木利涉大川象六二九五中正而應利君子貞象无私以濟險正固以持身此同人之義也彖曰同人柔

得位得中而應乎乾曰同人同人曰同人于野

亨利涉大川乾行也文明以健中正而應君子

正也唯君子為能通天下之志

同人曰猶之左傳其同人曰一例文法惟

大人為能見天地之心故可保泰惟
君子為能通天下之志故可同人
象曰天與火同人君

子以類族辨物

蘇氏軾曰比以無所不比為比同人以有

類族象互巽以風扇火而倍明辨物象天與火不同而相附
而不同類族者不同而同見其通辨物者同而不同見其正**初**

九同人于門无咎

王注无應于上心无係吝通乎大同
同人初九變艮為門闕同人于門象

本卦无艮故象傳直以出門同人釋之又全體變艮成遯尤出
門之象不為私同而遯无咎象隨初九以承艮為出門此以變

艮為**象曰出門同人又誰咎也**

胡氏炳文曰同人與隨
之初皆易溺於私隨必

出門而後可以有功同人必出門而後可以无咎孟子之往者
不追來者不拒出門同人之義也我不拘門戶之見同我者不

咎異我者**六二同人于宗吝**

王注應在九五唯同於主用
心扁狹鄙吝之道黃氏淦曰

于野于門廣狹之分于門于宗公私之辨
同人六二應九五

之乾乾為父父黨曰宗同人于宗象六二居坤坤為吝嗇吝象
明黨之爭在朝廷講學之爭
在草野一言以蔽之曰吝**象曰同人于宗吝道也**

九三伏戎于莽升其高陵三歲不興

同人九三剛而不中上无

正應欲同於二思與五爭居離離為戈兵戎象互巽巽為伏為木伏戎于莽象得乾之三屬艮艮為山升其高陵象乾數三巽為不果艮為止以五敵剛三歲不興象象曰伏戎于莽敵剛也三歲不

興安行也 九四乘其墉弗克攻吉

王注處上攻下力能乘墉

與三爭二不克則反項氏安世曰爻言不克皆陽居陰位認九二九四日不克認同人九四曰弗克攻惟其陽故有訟有攻惟其陰故不克 同人九四剛不中正无應亦欲同二為三所隔故欲攻之三居艮為門闕墉象九四居上乘其墉象互巽巽為不果弗克攻象困而反則吉象梁人之圍安全全金人之圍劉錡象此象曰乘其墉義弗克

也其吉則困而反則也 九五同人先號咷而

後笑大師克相遇

孔疏九三九四與之競二必以大師與三四戰克乃得與二相遇 胡氏炳文

曰同人九五剛中正而有應故先號咷後笑旅上九剛不中正而無應故先笑後號咷傷氏萬里曰師莫難於君心而兵革非

難克莫難於小人而敵國非難 同人九五與六二之離為應
離為口先違後同先號咷而後笑象離為戈兵大帥克相遇象
又同人六畫內柔外剛九五本位亦可以離取象此邦仲與六
畫取象之一例也同人全體伏師故三四五俱象師此伏卦取
象之一例也象雖取師義主同人則三四為小人恭閒君子九
五為明主剛克小人專任君子成王威風雷執書以泣而迎周
公先號咷而後笑也東征三年以後任周公而无貳大師克相
遇也齊威王烹阿大夫用卽墨大夫宋仁宗繼丁謂用王曾亦
庶幾焉 象曰同人之先以中直也大師相遇言相克

也

李氏兆賢曰必克三四方與二遇所謂惟斷乃成

上九同人于郊无悔

同人

上九變革革上兌兌為郊同人于郊象言同人于郊實象曰
无可同之人亦革義也初遯上革以反同人見无私應

同人于郊志未得也



乾下離上

大有元亨

葛氏樵哉曰同人以貞為要歸大有以元為首出朱氏元曰小畜一陰在

四臣也陽皆應之故曰小畜大有一陰居五君也陽皆應之故
曰大有序卦傳謂與人同者物必歸焉故受之以大有同人一

陰居二而同乎五陽惟言亨大有一陰居五而有乎五陽則元亨同猶慮其私故亨必利於貞有乃全其公故亨直謂之元元者善之長公之謂也大抵同人貴慎交大有貴誠交以六五象虛中受陽為卦主乾為元九二居坎為通上應六五元亨象

曰大有柔得尊位大中而上下應之曰大有其

德剛健而文明應乎天而時行是以元亨王注處尊以柔

居中以大胡氏炳文曰小畜一陰在四欲畜上下五陽其勢逆而難大有一陰在五而有上下五陽其勢順而易同人文明以健自明而誠也大有剛健而文明自誠而明也陳氏際泰曰象柔得尊位曰同人相通在聲氣柔得尊位曰大有一統在車書

曰火在天上大有君子以遏惡揚善順天休命

大有火即日也重明麗天天子當陽大有象法離之明遏惡揚善象體乾之健順天休命象類族辨物者同人之明遏惡揚善者大有之義民生實難故宜之必須初九无交害匪咎艱

則无咎大有初九居乾乾為直與九四不交无交害匪咎象得乾之一陽屬震震為恐懼脩省大有之始能慎如

此艱則
无咎象

象曰大有初九无交害也

特言初九以著慎有之始

九二

大車以載有攸往无咎

大有九二居中應六五六五居坤為大輿大車以載象九二屬

坎坎為通與五正應有攸往无咎象千古大臣任重象此

象曰大車以載積中不敗

也

惟有中德所以不敗

九二公用亨于天子小人弗克

大有九三

杜元凱謂三為三公互兌為說六五天子有亨于天子象王注訓亨為通從易本字解其理自正左傳備軒作享因亨而亨亦相因之義也變睽睽主分異小人弗克象象曰公用亨于天子小人害也

九四匪其彭无咎

大有九四居離離為戈兵釋名彭排車器也在旁排禦敵攻也互兌毀折

九四勢逼六五須以順承而不可以兵脅以陽居陰匪其彭象彭訓多端從釋名於象精確郭汾陽聞詔即解兵權岳忠武班師以明臣象象曰匪其彭无咎明辨哲也

居離明辨哲象大君

之道純粹精純臣之分明辨哲

六五厥孚交如威如吉

王注不私於物物亦公焉不疑

於物物亦誠焉 大有六五以柔居尊應九二而上下皆應坤
土主信厥孚交如象離為火威如吉象所謂不言而信不怒而
威于鈇鉞也禮曰致敬誠若即為美若 象曰厥孚交如信

以發志也威如之吉易而无備也 孔疏由己誠信發
起眾心唯行簡易

无所防備物自畏之傳乃極形厥孚 上九自天祐之吉无
威如之效或訓有備無患顯悖經旨

不利也 王注五為信德而已履焉履信者也以剛乘柔思順者
大有上九居乾之極為大有之終乾為天自天祐

之吉無 象曰大有上吉自天祐也 特言上吉以
不利象 著誠有之終

謙亨君子有終 朱氏元曰謙以九三陽剛為
主蓋陽有陰無陽實陰虛謙

則有若無實若虛陽既能謙陰自柔順而虛中故五陰亦謙而
六爻皆吉胡氏炳文曰說而應乾安其為小故履繼小畜勞而
能謙忘其為大故謙繼大有會通艮終萬物坤代終故曰有終
序卦傳謂有大者不可以盈故受之以謙大有五陽而一陰土
之陰體陽用所以為大謙五陰而一陽主之陽體陰用所以為
謙謙互坎坎為通亨象主君子艮成始而成終坤代有終君子

有終象不爲物首故不言元隨事皆吉故不言吉坤上虛故謙多所容坎中實故謙不可僞小人之節非節也吝而已故節必可貞小人之謙非謙也
諂而已故謙歸君子 彖曰謙亨天道下濟而光明

地道卑而上行天道虧盈而益謙地道變盈而流謙鬼神害盈而福謙人道惡盈而好謙謙尊而光卑而不可踰君子之終也

謙艮陽居下天道下濟象六二九三爲離

光明象坤陰居上地道卑而上行象陰虧陽益九三互震震主益天道虧盈而益謙象陰變陽流九三互坎坎主流地道變盈而流謙象坎爲通爲隱伏主鬼神陰害陽福坤爲眾主人道陰惡陽好九三二陽得位害盈而福謙惡盈而好謙象九三在下體之上而應上六二五皆居離謙尊而光象九三在上體之下而居艮山卑而不可踰象敬人者人恆敬之謙尊而光也恭近於禮遠恥辱卑而不可踰 象曰地中有山謙君子以裒

多益寡稱物平施

謙山高地卑艮下坤上裒山之高益地之卑裒多益寡象山不見高地不見卑

稱物平施象君子樽節退讓物惟其稱而已道所以能
權也君子自卑尊人施惟其平而已恭所以有禮也 初六

謙謙君子用涉大川吉 王注處謙之下謙之謙者也能
體謙謙其唯君子用涉大難物

无害也謙初六以柔處下謙謙君子象承 象曰謙謙君子

互坎全體又象坎為川用涉大川吉象 象曰謙謙君子

卑以自牧也 張氏拭曰牧性情如牧芻豢 謙全體象 六

二鳴謙貞吉 蘇氏軾曰陽唱則陰和雄鳴則雌應二承三
鳴象 謙六二承互震震為善鳴鳴謙象坤

利居貞 象曰鳴謙貞吉中心得也 自牧則非聲音笑貌
貞吉象 之為中心則有慮以

下人 九三勞謙君子有終吉 王注處下體之極履得其
之實 位取陰所歸上承下接勞

謙匪解是以吉也 朱氏元曰謙九三體健位剛居下之上似

難以謙而自下於陰勤勞為謙乾三君子終日乾乾進德之勞

也坤三无成有終成乾之勞也謙從兼言九三兼乾三之剛坤

三之柔故曰君子有終成卦之主故保象辭 謙九三互坎坎

為勞卦勞謙象居艮艮成終君子有終象勞謙乃曰有終勞

而不謙之无終亦可知矣此功人所以生功狗所以死也 象

曰勞謙君子萬民服也

孔疏眾陰歸象萬民服

六四无不利

撝謙

王注處三之上承五用順奉上下下指撝皆謙謙六四互艮艮為手撝謙象王注釋為指撝最合象義大抵

謙六

嗣輔不明言象有蒙頭蓋面之嫌然多暗與象合其說必有所受後儒好以意說經尤失武斷深於經學者辨之

象

曰无不利撝謙不違則也

順五撝謙故不違則

六五不富以

其鄰

句

利用侵伐无不利

郝氏敬曰謙自二以上互師六五利用侵伐上六利用行

師皆象征伐亦互體之一例也

謙六五下乘六四六四得坤

之巽巽為近利市三倍富象六五乘之中虛上亦虛而不實不

富以其鄰象與泰六四翩翩不富以其鄰微別與巽相關則一

也六五得坤之離離為戈兵利用侵伐象武王虎賁三千不富

也戎衣底定利用侵伐也禹征有苗益曰謙受益可見謙為行

師之本而卦名卦義伏羲以來相傳有自非由文王創為至明

且確

象曰利用侵伐征不服也

惟不服者始征所以為謙亦哀多益寡稱物平

施之一

上六鳴謙利用行師征邑國

謙上六居兌兌為口舌應九三

節也

互震震為善鳴亦鳴謙象坤為地為眾邑國象互師乘六二之
離離為戈兵利用行師征邑國象六二得位處內故貞吉上六
處外故志有未得而行師則利同一鳴謙所處不同而皆獲吉
利謙之效也郭汾陽再造唐室征邑國所向有功而在朝為省
小所沮未能大行其志而卒无害者鳴
謙之吉也或將邑國狹看殊失經旨
象曰鳴謙志未得

也可用行師征邑國也

外而不內故志未得謙而有終故
師可行傳无不足於征邑國之意

三三三坤下
三三三震上

豫利建侯行師

孔疏和順而動動不違眾眾
皆說豫故謂之豫動而眾說

故利建侯以順而動不加无罪故可行師逆豫不可長行故无
元亨逆豫難于幹正故无利貞陳氏際泰曰國有五難无民居
一焉故豫利建侯武有七德和眾居一焉故豫利行師序卦傳
謂有大而能謙必豫故受之以豫謙內艮外坤順而止故无自
滿之心豫內坤外震順以動故有自得之致震為長子利建侯
象坤為地為眾中畫離離為戈兵利行師象豫本太平之象而
逸樂可戒故不取係應以防燕私之累以九四剛應志行為卦
主蓋四居上以應初為進賢之公初居下以應四為拔援之私
也
彖曰豫剛應而志行順以動豫豫順以動故

天地如之而况建侯行師乎天地以順動故日月不過而四時不忒聖人以順動則刑罰清而民服豫之時義大矣哉

豫九四居剛而應初六剛應志行象乾天坤地離日坎月艮止

不過不忒象坎為桎梏坤為眾刑罰清而民服象

地奮豫先王以作樂崇德殷薦之上帝以配祖

考

王氏應麟曰上天下澤履此易之言禮雷出地奮豫此易之言樂呂成公之說本于漢書敘傳上天下澤春雷奮作

先王觀象爰制禮樂豫雷奮作樂象坤厚崇德象震上帝坎祖考薦帝配祖象禮由陰作故稱物平施在謙樂由陽來故作樂

崇德為豫交泰者心說故可配天地而宜初六鳴豫凶

六陰柔處下與九四應象曰初六鳴豫志窮凶也

居震震為善鳴鳴豫象由心得鳴豫則凶以志窮心志者吉凶之券與六二介于石不終日貞吉

正九所保應不累于豫互艮艮為石介于石象得離中畫離為日艮為止不終日象坤利居貞貞吉象介于石者自守之堅不終日者見象曰不終日貞吉以中正也 六三時

豫悔 句 遲有悔 孔疏時謂離時喜悅之貌 豫六三不中

進退不得其所悔象 象曰盱豫有悔位不當也 九

四由豫大有得勿疑朋盍簪 王注獨體陽爻眾陰所從莫不由之以得豫勿

疑則朋合疾盜合也舊疾也胡氏炳文曰頤以陽居上眾陰由之以養故曰由頤豫以陽居上眾陰由之以安故曰由豫王氏應龍曰君子進而眾賢聚故復得朋來无咎眾賢盛而君子安故解明至斯乎君子之志行而小人之心服故豫勿疑朋盍簪王氏又曰晉古訓疾至侯果始有冠簪之訓問百詩曰侯果說見見景迂云古者冠冠未有簪名望氏曰禮記曲禮曰冠帶何惠氏曰豫求以婦妾之輔理而對吐擇勿疑盜簪之義也 豫九四一陽居大臣之位眾陰所聚以震乘坤豫順以動由豫眾坤為信震為竹簪乃竹筍初出者其長最速陰之從陽朋之從四亦最

速勿疑朋盍簪象陸德明釋文簪子夏傳疾也鄭元云速也卽王注所本後訓冠簪不如從古與震速象合郝氏敬謂古者以竹爲簪震爲竹一奇橫亘眾偶聚之象曰由豫大有得志合簪象亦有巧思終遜古注義長

大行也

一陽之志行于眾陰

六五貞吉恆不死

王注四以剛動爲豫之主專權執制

非五所乘居中處尊未可得亡胡氏炳文曰易之言疾者四曰无妄之疾勿藥有喜曰損其疾使遄有喜曰介疾有喜惟豫五貞吉僅得不死未可愈而喜也豫六五互坎全體象坎坎爲疾貞疾象貞如貞凶之貞謂固也然中道未亡其疾亦由于正故得生于憂患震爲反生居恆上體恆不死象夏少康以後周平王以後象此象曰六五貞疾乘

剛也恆不死中未亡也

剛謂九四周之東遷晉鄭焉依二國雖多跋扈正不可少人之

真氣未動疾恆不死國之中道未失弱恆不亡

上六冥豫成

句有渝无咎

王注處動

豫之極極豫盡樂冥豫乃成必渝變然後无咎王氏應麟曰冥豫而勉以有渝開遷善之路冥升而勉其不息回遷善之機程氏敬承曰世道不可不豫人心不可有豫二不溺于豫四以天下之豫爲豫初之鳴三之盱上之冥皆逸豫之累也五處豫以

貞獲疾不敢為豫故得不死 豫上六得坤之兌坤為迷兌為說應艮而成冥豫成象變晉明出地上可以化冥渝无咎象成空應依注 象曰冥豫在上何可長也 顧影園中豈有萬疏屬冥豫 年天子半閒堂上

應无長樂老人至 聖箴言從來明鑒

䷋ 震下兌上 隨元亨利貞无咎 朱氏元曰隨不取係應而貴乎嘉以九五為卦主序

卦傳謂豫必有隨故受之以隨豫內坤外震順以動者无不樂隨內震外兌動而說者无不從初九居乾乾為元元象九五上六居坎坎為通亨象互巽巽為利利象錯坤坤利永貞貞象兌為說无咎象左傳襄九謂有四德者隨而无咎我皆无之豈隨也哉又旁 彖曰隨剛來而下柔動而說隨大亨貞通之義也

无咎而天下隨時隨時之義大矣哉 王氏拱東曰隨上兌四五

之剛來下震二二之柔 隨九五乾六二 象曰澤中有雷

隨君子以嚮晦入宴息 述義隨雷動隨澤而靜震東方日出兌西方日入由震趨兌嚮

晦之象互巽爲人互艮止爲宴息 隨九五上六居坎坎爲月
嚮晦象初九六二居離離爲日月上日下亦嚮晦象互巽爲入
爲牀入宴息象時雍於變故蠱之育德必 初九官有渝貞
日振民明作有功故隨之宴息必期嚮晦

吉出門交有功

隨初九居震震爲侯官象伏巽巽爲伏官
有渝象處隨之初以伏爲貞貞吉象凡易

言渝非變卽伏也承互艮艮爲門震爲足爲動出門象上體兌
兌爲友交象爲說有功象初九爲隨之主取無私係故同人出
門則无咎隨交 象曰官有渝從正吉也出門交有功
出門則有功

不失也 六二係小子失丈夫

陳士元曰互巽爲繩
係象故二三爻皆曰

係 隨六二互艮艮爲少男小子象六二承六三係小子象初
九震爲長男丈夫象六二去初九失丈夫象干古事非其主者
此象曰係小子弗兼與也 六三係丈夫失小

子隨有求得利居貞

李氏兆賢曰去暗投明如寶融去
隗囂而歸光武魏徵舍李密而事

太宗之類 隨六三承九四九四居上卦之下屬震震爲長男
丈夫象六三承之係丈夫象互艮艮爲少男小子象六三去六

二失小子象互巽巽近利市三倍隨有求得象居坤利居貞象象曰係丈夫志舍下也

下請六二九四隨有獲貞凶有孚在道以明何咎李氏兆賢

曰四得君而有震主之嫌雖正亦凶有孚積誠也在道慎動也以明知幾也汾陽不愧乎此隨九四互巽巽近利市三倍隨

有獲象居兌兌為毀折貞凶象九五上六為坎坎中實九四承之有孚象九四得震之一陽震為大塗在道象合下卦為離離

為文明以明象象曰隨有獲其義凶也有孚在道明兌為說何咎象

功也九五孚于嘉吉王氏應麟曰信小人者亂之機兌九五曰孚于剝厲信君子者

治之本隨九五曰孚于嘉吉隨九五居坎坎中實孚象與六二為正應孚于嘉象成湯與伊尹咸有一德昭烈與孔明魚水

相歡其此也與初九无私係故言交象曰孚於嘉吉位正不言隨九五布公心故言孚不言隨

中也上六拘係之乃從維之王用亨于西山

孔疏升王用亨于岐山隨王用亨于西山皆周公自後追王之也述義上無所係反而係五位處危疑從之宜專結之宜固文

王三分有二以服事殷拘係從維恪守侯度祭其封內之山其固結于神者正其固結于君也 隨上六互巽巽爲繩直拘係從維象變乾乾爲君王象伏艮山象兌爲西西山象上六九五爲坎坎爲通爲隱伏主通神明王用亨于西山象

曰拘係之上窮也



巽下艮上

蠱元亨利涉大川先甲三日後甲三日

朱氏元曰治蠱非柔才所能故爻以有陽者爲得二五正應爲主序卦傳以喜隨人者必有事故爻之以蠱蠱者事也隨內動外說喜隨者存乎人蠱內入外止幹蠱者係乎事巽爲風爲蟲蠱象互震震仰孟皿象合之蠱象震爲木果巽爲虫六五上九爲離離爲飛巽長女艮少男穀飛男惑皆蠱象巽爲進退爲不果互兌兌爲毀折爲附決亦蠱象初六九二爲坎坎得乾之中畫乾爲元元象坎爲通亨象爲川大川象巽近利市三倍利涉大川象六五上九爲離離爲日日象互兌兌西屬辛辛取自新先甲三日象離南屬丁丁取叮嚀後甲三日象蓋蠱本壞象元亨以下治蠱事象也禍兮福倚治在亂中古今大抵如此

象曰蠱剛上而柔下巽而止蠱

本義艮剛居上巽柔居下上下不交下卑

巽而上苟止積弊而至于蠱矣蠱元亨而天下治也利涉大川往有

事也先甲三日後甲三日終則有始天行也本義治蠱

至于元亨亂而復治之象也象曰山下有風蠱君子以

振民育德蠱山阻其風風鬱成蠱風振山林振民象山育風木育德象山山下出泉則必達故蒙曰果行育德山

下有風則多牽故初六幹父之蠱有子考无咎厲終

吉彖參蒙之包也子乃係以克家蠱之幹也考且言其无咎蠱初六變乾乾為父巽為羞父蠱象居震震為長子其

究為健健以幹事幹父之蠱有子考无咎象初六九二為坎坎

為加憂厲象承互兌兌為說終吉象武丁之于小乙周宣之于厲王象此象曰幹父之蠱意承考也九二幹母之蠱

不可貞蠱九二上應六五六五得坤之中畫坤為母為迷母蠱象九二得坎之中畫坎為中男為堅多心幹母之

象曰幹母之蠱蠱象居巽巽為進退為不果為隨風互兌兌為說不可貞象凱風之七子足以當之

得中道也 九三幹父之蠱小有悔无大咎 蠱九三與

上九二陽不相應上九居乾之極亢龍有悔父蠱象九三得艮之三艮為少男為手為止幹父之蠱象互兌兌為毀折小有悔象為說无大咎象唐高祖起兵中道決意回軍太原太宗痛哭帳外得以進軍其此象與 象曰幹父之

蠱終无咎也 黃氏宗義曰蹇六二言終无咎所以作天下之忠蠱九三言終无咎所以作天下之孝 六

四裕父之蠱往見吝 蠱六四遠承上九上九居乾之極父蠱象六四互兌兌為附決裕父

之蠱象互震震為足往象與九三為離離為目見象六四居坤坤為吝嗇往見吝吝象中宗目擊武氏之禍而縱韋氏肅宗目擊楊妃之禍而寵良姊此象以之若 象曰裕父之蠱往未

得也 六五幹父之蠱用譽 蠱六五承上九上九居乾之極父蠱象六五互

震震為長男以柔乘剛下乘互兌兌為說以說行健幹父之蠱象居離中畫離為文明用譽象舜以底豫而升聞禹以纘考而奏績此 象曰幹父用譽承以德也 承以德指六上其象也 五承上九

九不事王侯高尙其事

述義蠱五居尊故為王三互震故為侯上在其上故不事巽為

高艮為山上在艮上故高尙也天下有事蠱有心蠱事蠱在一時心蠱在萬世上以事外之身抱道而處不治事蠱而治心蠱不治一時之蠱而治萬世之蠱人以事為事上以不事為事不事之事高于是謂高尙其事 蠱上九居艮之極艮為止不事王侯象艮為山高尙其事象以高尙為事治蠱之一道也故孟子曰尙志大人之事備矣顏淵簞瓢陋巷裕為邦之經綸嚴陵獨釣寒江成東漢之節義其以此與上九對三四五為父蠱象居尊而亢也本文為高尙象居外而止也 象曰

不事王侯志可則也



兌下坤上

臨元亨利貞至于八月有凶

序卦傳有

大故受之以臨臨者大也蠱內巽外止寓作事之宜臨內說外順為可大之業臨有自上臨下之義以六五為主卦德又以初九九二二陽竝進上臨四陰取義二陽之中當以九二為主以與六五為正應也以陽應陰陰亦大矣臨之所以為大也初九居震震得乾之一陽元象九二六三為坎坎為通亨象兌為澤利象坤利居貞貞象坎為月月象坤為地地數八八月象坎為

加憂至于八月有凶象臨本美卦有凶
指其微疵言之猶泰言无平不陂也 彖曰臨剛浸而長

說而順剛中而應大亨以正天之道也 剛浸而長

來遯浸而長 至于八月有凶消不久也 孔疏否小人道

防其陰之遽 以臨卦建丑至否建申爲八月于陰防陰之漸 長君子道消宜

故坤言陰始凝于陽防陰之多故臨言消不久 象曰澤上有

地臨君子以教思无窮容保民无疆 胡氏炳文曰

曰教思其意如兌澤之淡不徒曰保而曰容保其量如坤土之

大李氏尙賢曰澤象夫兌教有窮而思无窮也地象夫坤保有

疆而容无疆也府至者坎之宜故教事在習大知者臨之本故

教思无窮地中有水師隱而難明故以容民畜眾澤上有地臨

顯而易見故 初九咸臨貞吉 臨初九居震震爲侯臨象爲

以保民无疆 者感也咸臨象上應坤坤利居貞貞吉象咸取義以兌臨下兌

故初二皆有咸象君子之臨小人不任懲其惡而在服其心如

諸葛武侯之于李嚴真咸臨者也恩不可濫乎小人 象曰咸

臨貞吉志行正也

臨無所阻故志行咸無所私故志正

九二咸臨吉无

不利

臨九二近臨四陰上應六五為下卦剛長之主臨象為兌之二咸臨吉象兌為澤无不利象孔子當三家專政

之日侃侃聞聞權

象曰咸臨吉无不利未順命也

四陰

姦盡服其此象與

小人之勢猶盛未順君子之命誠恐往而臨之或有不和故推原之曰未順命所以釋无不利之義耳未順命而无不利咸臨

之吉允矣如有苗逆命終格于羽之化是也

六三甘臨无攸利既憂之无咎

李氏兆賢曰楊再思以諂媚為事李林甫以口蜜欺人終何利

乎臨六三居兌之陰兌為澤得坤之三坤土作甘甘臨象兌

為毀折為附決无攸利象六三九二為坎坎為加憂既憂之

象兌為說无咎象貧賁能樂故重甘節交貴不諂故戒甘臨象

日甘臨位不當也既憂之咎不長也

六四至

臨无咎

臨六四得坤之初互坤之中至哉坤元至臨象正應初九无咎象千古至友之交象此

象曰

至臨无咎位當也

六三甘臨上無正應不宜甘而甘者也故不當位而无利六四至臨下有正應

宜至而至者也 故當位而无咎 **六五知臨大君之宜吉** 本義以柔居中下應九二不自

用而任人乃知之事而大君之宜吉之道也 李氏兆賢曰取

賢臣之聰明成在己之聰明其知大矣虞帝之明日達聰夏后

之懸輶建鐸成湯之敷求哲人皆千古知臨之主 臨六五得

離之中畫離為文明知象為日大君象為南面而聽天下嚮明

而治知臨大君之宜吉象王者貴無私 象曰大君之宜行

故比曰顯比王者貴當理故臨曰知臨

中之謂也 辨好問察言執兩用中 **上六敦臨吉无咎** 蒙

初二咸臨以君子臨小人六三甘臨以小人臨君子六四至臨

朋友之交六五知臨君臣之義上六敦臨樂言之以厚其終也

胡氏炳文曰坤主敦厚故復曰敦復艮曰敦艮臨曰敦臨李氏

兆賢曰有熙皞之吉無驩虞之咎周成康時重熙累洽足以當

此 臨上六居坤之極坤厚載物敦臨象柔 象曰敦臨之

極下無正應易于有咎然敦厚臨人无咎象

吉志在內也 體處外而志在內 敦臨所以无咎

觀盥而不見有孚顒若 朱氏元曰觀以居尊為諸爻所觀仰

以五爲主遠五惡近五美序卦傳物大然後可觀故受之以觀
臨內兌外坤以澤之廣徵其大觀內坤外巽以風之變喻夫觀
六二得離中畫離爲目爲見觀象六四九五爲坎坎爲通爲隱
伏主通神明薦象互艮艮爲手六三居兌兌爲澤盟象艮爲止
不薦象坎中實有孚象以坤承巽謙卑孫順願若象詩曰奏假
無言時靡有爭此可類觀薦者其迹也盟者其誠也事神化民
以誠不以迹故君
子篤恭而天下平
彖曰大觀在上順而巽中正以觀

天下

楊氏萬里曰惟中能中天下之不中惟正能正天下之
不正剛健而有文明故曰大有中正以觀天下故曰大

觀
觀盟而不薦有孚顒若下觀而化也

蒙引大觀在上建其極也

下觀而化
歸其極也

觀天之神道而四時不忒聖人以神道

設教而天下服矣

陳氏際泰曰教民不可不示以明明則
不惑而教行故先王以省方觀民亦不

可不示以幽幽則不測而教導故聖人以神道設教
觀上九
居乾天象六四九五爲坎坎通神明神道象巽爲風風行四時
六二九五中正互艮止成始成終四時不忒象坎習教事以
神道設教象惟以神道設教故取象盟而不薦有孚顒若
象

曰風行地上觀先王以省方觀民設教

觀風行入方省方象

坤為眾民象六二居離離為目觀民象巽申命設教象六四九五為坎坎習教事亦設教象臨曰大則保民無疆觀曰大則省方設教坎之教全乎師觀之教全乎君臨之教主乎內觀之教主乎外初六童觀小人无咎

君子吝

本義卦以觀示為義據九五為主爻以觀瞻為義皆觀乎九五也初六陰柔在下不能遠見童觀之象小

人之道君子之羞王氏應麟曰童蒙應于二之剛則吉養之早也童觀遠于五之剛則吝見之微也觀初六全體象艮艮為少男童象承六二為離離為目為見童觀象坤初以陰居正小人无咎象坤為吝嗇君子吝象象曰初六童

觀小人道也

六二闕觀利女貞

觀六二為離離為中女女象三四五

互艮艮為門六二居內承之離為目為見闕觀象女正位乎內坤利居貞利女貞象

象曰闕觀女貞

亦可醜也

六三觀我生進退

觀六三承六二之離離在內主反觀觀我

生象承巽巽為進退六三在下之上上之下進退象孟子謂則吾進退豈不綽綽然有餘裕哉正其象也

象曰觀

我生進退未失道也 六四觀國之光利用賓

于王

觀六四互坤坤為地為眾國象乘六三為互坤之中畫亦離也離為文明國之光象九五居乾之中乾為君王

象坤為朋賓象六四居巽巽近利市三倍利用賓于王象大比謂禮賓小雅宴嘉賓其以此與象曰觀國之

光尙賓也

九五觀我生君子无咎

觀九五下應六二六二為

離離明反照觀我生象陽剛居中君子无咎象君子求諸己徵民本諸身即此義也

象曰觀我生觀

民也

賢者君之寶國賓即為國光外者內之符觀民正以觀我

上九觀其生君子无

咎

觀上九无位其統指九五以下上觀君下觀民也上九下應六三居互坤之中為離離為目為見觀其生象居巽之

極不可進退無主君子无咎象千古耕莘釣渭相時而動皆此象也觀之取義為見必與離相關從前說者祇向巽坤二體索解忘六二六三二爻互有離象致使全卦觀義落空今特于各爻承乘居應與離關切之義曲折指證朗若列眉亦以見互體及一畫成象二畫成象諸例必不可忽也朱氏元謂觀全體叠艮艮為門闕取兩觀之象比象亦新終屬旁義象曰

觀其生志未平也

志未平謂未平其進退之志當以君子之德為主則无咎也

䷲

震下離上

噬嗑亨利用獄

述義噬嗑震坎艮皆木也陷于三木有獄象序卦傳可觀

而後有所合故受之以噬嗑噬嗑者合也觀之離互于內離為目故主觀噬嗑之離象于外離為口故主噬嗑觀以省之教化民也噬以合之刑弼教也噬物者未有不先觀者也刑民者未有不先教者也互坎坎為通亨象坎為桎梏離為電電主明察震為雷雷主擊搏互艮艮為獄皆利

彖曰頤中有物曰噬嗑

用獄象以六五柔得中為卦主

噬嗑全體象頤六四一陽在上下三陰之中頤中有物象物在頤中必噬而始合姦在獄中必斷而始明

亨剛柔分動而明雷電合而章柔得中而上行

雖不當位利用獄也

王注柔得中謂五也噬嗑之主雖不當位不害用獄 王氏拱東曰

噬嗑以震體之二上行離體之五

象曰雷電噬嗑先王以明罰勅法

述義噬嗑以合為義雷震必電電擊必雷無不相合蔡氏清曰豐折獄致刑君子用法于既犯之後噬嗑明罰勅法先王立法

于未犯之先 噬嗑電之光無不照故罰取諸明雷之斷無所

撓故法取諸勑電後雷先求明者原根于斷雷下電上求斷者

必歸于明元齡能謀 初九履校滅趾无咎 噬嗑初九居

如晦能斷不可缺一 象互坎坎為桎梏校象互艮艮為獄為止初九承之履校滅趾

象初動而能止无咎象繫辭傳所謂小懲而大誡小人之福也

象曰履校滅趾不行也 六二噬膚滅鼻无咎

噬嗑六二得離中畫離為網罟以佃以漁膚象為口噬膚象互

艮艮為鼻鼻象承六三為兌兌為毀折滅鼻象離明中正无咎

象曰噬膚滅鼻乘剛也 六三噬腊肉遇毒小

吝无咎 噬嗑六三互艮艮為狗為鼠為黔喙之屬為堅腊肉

之三坤為吝吝小吝象 象曰遇毒位不當也 陰柔不中正

居兌兌為說无咎象 九四噬乾肺得金矢利艱貞吉 王氏應麟曰太平御

覽王肅注金矢所以 獲野禽故噬之反得金矢君子于味必思其毒于利必備其難

噬嗑九四居離離為禽為乾卦為口噬乾肺象為戈兵矢象

得乾一陽乾為金金矢象互坎坎為險艱象乘承皆坤坤利居貞利艱貞吉象得金矢自屬戒辭王肅說長勝于束矢釣金之解
象曰利艱貞吉未光也 六五噬乾肉得黃

金貞厲无咎

噬嗑六五居離離為禽為乾卦為口噬乾肉象乘九四之乾乾為金六五得坤之中坤為

黃得黃金象坤為貞上下乾為厲貞厲无咎象爻于決獄多戒辭二以噬膚之易而滅鼻三以噬脂之難而遇毒四噬肺更難而得矢惟五噬乾肉得黃金象為合
中有孚而猶為貞厲獄可易決哉
象曰貞厲无咎得當

也 上九何校滅耳凶

朱氏元曰二治小獄象噬膚三

獄象噬乾肉初上為受治者初惡未成上惡已成 噬嗑上九乘坎坎為桎梏何校象為耳痛滅耳象為加憂為血凶象卦以噬九四一陽取義所謂頤中有物則九四為受治者爻以九四為治久獄而以初九上九為受治者此爻與衆異而易之不可為典
象曰何校滅耳聰不明也

三三

離下艮上

賁亨小利有攸往

朱氏元曰賁以質為主而輔之文此陽倡陰和天地

自然之賁也陽質陰文相應相比為賁初應四以質賁文也為賁之始二比三以文賁質也為賁之中而文為極盛上比五以質賁文也為賁之終而文極反質以二上成卦為卦之主亨陽小陰剛柔相濟而成章故陽道得亨陰亦利有攸往也序卦傳物不可以苟合而已故受之以賁賁者飾也噬嗑離與震合故利決察賁離在艮下故主文明互坎坎為通亨象六二離六五坤離為文坤亦為文文主陰小象上下得坎之通利有攸往象互震震為足為動上艮文得所止皆利有攸往象 彖

曰賁亨柔來而文剛故亨分剛上而文柔故小

利有攸往天文也 王氏撰東曰賁艮體四五之柔來離之

體三初之剛上艮之上以文四五之柔故曰分剛 文明以止

人文也 李氏兆賢曰文明則情文燦然以止則名分秩然 觀

乎天文以察時變觀乎人文以化成天下 朱氏元

時變者陽極必剝陰極必復也化成天下者質極濟文文極反 賁也 賁離為日互坎為月離為目為見互震春伏兌秋坎離

冬夏觀乎天文以察時變象乾為天坤為四方為眾為文艮成終始觀乎人文以化成天下象天文莫大乎日月星辰而時變于焉昭察人文莫大乎詩書禮樂而天下于以化成象曰山下有火賁君子以明

庶政无敢折獄

述義賁火蘊于內山上有光書曰賁若草木是也明庶政者離之明无敢折獄者艮

之止賁庶政不可不文故取諸離折獄不可舞文故取諸艮噬主除姦明罰勅法非猛賁主飾喜无敢折獄非寬初

九賁其趾舍車而徒

賁初九得震之一陽震為足趾象離為文明賁其趾象互坎坎為輿

多肯上體艮艮為止初九居下應之舍車而徒象顏觸緩步以當車其準于義者與

象曰舍車而徒

義弗乘也

六二賁其須

毛氏在頤曰賁六二居陰須者血之餘為陰上四畫成頤

二在其下須象

朱氏元曰賁六二為柔來文剛之爻三以質在上二以文承之有賁其須象賁六二互坎坎為下首下首

頤也六二附九三而動猶須附頤須象六二正當離位離為文明賁其須象所謂附青雲而顯者與

象曰賁其

須與上興也

朱氏元曰陰能從陽文以賁質故小利有攸往

九三賁如濡如

永貞吉

折中得陰自賁又慮其見濡也李氏兆賢曰得上下

而必退以義晏嬰亦受崔陳禮重而不入其羣賁九三居離

乘二之賁賁如象互坎坎為水濡如象上下皆坤坤利居貞永

貞吉

象曰永貞之吉終莫之陵也

六四賁如皤

如白馬翰如匪寇婚媾

賁六四與三剛柔互文賁如象居巽一陰巽為白皤如象與初

九為應初九居震又互震震于馬為弄足白蹄也為的顙白顙

也為決躁白馬翰如象初九居離離為戈兵寇象六四與為正

應匪寇婚媾象求賢自

輔損文就質其象如此象曰六四當位疑也匪寇婚

媾終无尤也

六四位介賁與皤寇與媾之閒故曰疑也

六五賁如邱園束

帛菱菱吝終吉

賁六五居艮艮為邱象得坤之中坤為野邱園象比上九剛來文柔賁于邱園象

坤為帛承上九一陽為束束帛菱菱

象曰六五之吉有喜

也

喜比上九之質

上九白賁无咎

朱氏元曰賁上九陽為白如白日白晝是也下比六五有

白賁象文極反質文質得中无溺陰之咎 賁上九居乾乾為金為玉白賁象 象曰白賁无咎上

得志也 朱氏元曰得遂反質之志

剝不利有攸往 朱氏元曰牀上之藉下以安者也 廬下之藉上以安者也

始剝牀欲上失所安而已先有蔑貞之凶終剝廬又自失所庇而上轉有得與之吉故陰剝陽實自剝初二四皆凶剝陽也三應上故无咎五比上故无不利所以見陽之宜從以上為卦主王氏應麟曰虛美熏心鑽齷 秦亂之萌浮文妨要錯繡晉衰之兆故賁受以剝序卦傳致飾然後亨則盡矣故受之以剝剝者剝也賁離內艮外為亨陽之象剝坤內艮外為亨盡之象極于繁華終于凋敝賁必變剝千古同符坤為迷艮為止不利有攸往象 彖曰剝剝也柔變剛

也不利有攸往小人長也順而止之觀象也君

子尚消息盈虛天行也 錢氏澂之曰君子待小人以剛其計常陳小人遇君子以柔其

計常密夫以五陽制一陰曰剛決柔見乎號之難剝以五陰剝一陽曰柔變剛見獸奪之易乾之天則宜符聖人知存亡進退

剝之天行可法君

子尚消息盈虛

象曰山附于地剝上以厚下安宅

朱氏元曰山高起于地而反附著于地剝之象也君子體之謂

山以地為基厚其地則山保其高君以民為本厚其下則君安

其宅剝坤主承載故下取初六剝牀以足蔑貞凶剝初

平厚民為門闕故宅取乎安初六剝牀以足蔑貞凶剝初

巽之一陰翼為牀牀象處至下剝牀以足象牀足象刀斤者基

也足剝基傾蔑貞凶象君子初剝小人早凶蔽賢者不祥害善

者無後象曰剝牀以足以滅下也朱氏元曰滅六二剝牀

以辨蔑貞凶楊氏萬里曰大臣國之幹為小人所剝其當

牀之辨剝牀以辨象貞固幹事幹剝牀頽尤剝六二乘初為

蔑貞凶象剝全體象巽故初二四皆有牀象象曰剝牀以

辨未有與也翼氏煥曰六二陰柔中正上無陽剛之應是

位而凶无應之故傳特以六三剝之无咎本義眾陰方剝

未有與明之爻之變例也六三剝之无咎陽已獨應之去

其黨而從正无咎之道也李氏兆賢曰張永剝去劉瑤獨與諸

君子謀此其象乎剝六三應上九以陰從陽剝之无咎象三

君子謀此其象乎剝六三應上九以陰從陽剝之无咎象三

君子謀此其象乎剝六三應上九以陰從陽剝之无咎象三

君子謀此其象乎剝六三應上九以陰從陽剝之无咎象三

居兌兌為毀折為附決為說亦剝之无咎象傳謂失上下指去上下四陰言則剝之實謂剝上下四陰蓋從陽即剝陰也卦謂剝陽爻象剝陰此爻與卦異象曰剝之无咎失上下也

六四剝牀以膚凶剝六四變晉互坎坎為血肉為加憂剝牀以膚凶象象曰剝

牀以膚切近災也 六五貫魚以宮人寵无不利

利張氏振淵曰遜曰畜臣妾吉告陽制陰剝日以宮人寵教陰從陽 剝六五上九為離離為網罟以佃以漁魚象變

巽巽為繩直貫魚象離為中女艮為宮闕象曰以宮人寵

終无尤也李氏兆賢曰堅小人從正上九碩果不食君

子得興小人剝廬楊氏文煥曰眾陰在下為貫魚一陽在上為碩果果中有仁天地之心存焉剝

之所以為復也汪氏本鈞曰上九在上五陰所載君子得興也

上九變坤五陰無庇小人剝廬也王氏應麟曰四皓魯兩生之

不食 剝上九居艮之一陽艮為果廬為止碩果不食象互坤

坤為大與上九乘之君子得輿象艮為門闕廬象伏兌兌為毀折小人剝廬象小人者君子之輿也故君子不可以剝民君子者小人之廬也故邪不可剝正象曰君子得輿民所載也小人剝廬

終不可用也

朱氏元日得民所載陽究無傷終不可用陰徒自害



震下坤上

復亨出入无疾朋來无咎反復其道

七日來復利有攸往

朱氏元日復以一陽初動而坤以順行故二三四五朋來无咎以初

九為主惟上居極迷復自姤遯否觀剝坤至復為七日邵氏雍曰否次泰亂生于治復次剝治生于亂彙參六陽之乾必生陰聖人名之曰姤若不期而忽遇六陰之地必生陽聖人名之曰復若失物而更歸陳氏際泰曰臨言八月有凶為君子防復言七日來復為君子幸李氏舜臣曰臨釋陽消以月言幸其消之遲復喜剛反以日言幸其反之速王氏應麟曰天地未嘗一日无陽故十月為陽純坤稱龍語類復之一陽由坤積一日生一分十一月一陽始成序卦傳物不可以終盡剝窮上反下故受之以復剝內坤外艮一陽所窮復內震外坤一陽所反盈虛消長莫顯于茲震一陽來復亨象為足為動為健為反生出入无

疾象坤朋順震朋來无咎象由剝而復震爲大塗反復其道象
初九六二爲離離爲日日象初九得乾之一陽爲天數七七日
象本卦爲復七日來復象震陽上通利有攸往象七日來復說
者甚多總因畫卦本有七日之象象辭方以象之說之可通者
自該其中所謂冒天下之道也常解自姤至復爲七日此一說
也孔疏褚氏莊氏並云變月言日欲見陽長須速之義朱氏震
謂劉遵曰天行躔次十有二陰行其六陽行其六當于陰六陽
失位至七則陽復本位周天十二次循環反復一日之中七時
而復一月之中七日而復一年之中七月而復一紀之中七歲
而復此說較前更爲名通而自該前說之理蓋七日來復取義
實動而不括以支干言之如甲至庚爲七日則戊來復以庚金
克甲木而戊土得復也乙至辛爲七日則己土來復以辛金克
乙木而已土得復也推之丙至壬丁至癸戊至甲己至乙庚至
丙辛至丁壬至戊癸至己莫不皆然人之疾多以七日愈能復
則愈不復則死亦一驗此皆義可旁通者也惟
易緯六日七分之說太牽爲所不取餘詳凡例

彖曰復亨

剛反動而以順行是以出入无疾朋來无咎反
復其道七日來復天行也利有攸往剛長也復

其見天地之心乎

程傳至靜之中有動之端所以見天地之心一言以蔽之曰天地以生物為心

復坤伏乾中坎坎為心天地之心象初九六二為離離為目為見見天地之心象

象曰雷在地中

復先王以至日閉關商旅不行后不省方

復內震外坤雷在地

中象初九六二為離離為目一陽初復在冬至日象闔戶謂坤閉關象坤為囊為布為帛為眾商旅象震伏艮艮為止商旅不行象六五居尊后象坤為方方象為闔戶后不省方象剝懼陽之盡故厚下安宅以宜民復望陽之來故至日閉關以息事朱氏震謂夏小正十一月萬物不通則至日閉關后不省方夏之制也周制十一月北巡狩至于北嶽矣此說非是孔子從周決不以夏正取象據此周實以至日閉關后不省方十一月北巡狩之說未可信矣

初九不遠復无

祇悔元吉

復初九居震之一陽為動為決為健不遠復无祇悔象乾為元元吉象不善即知知即不行繫辭所

以獨推顏子也復以初而不遠悔以初而无祇初之時義大矣哉

象曰不遠之復以脩

身也

震為雷以恐懼脩省修身象

六一一休復吉

朱氏元日人倚木日休二比初休復象

復六二居離之中以比初九離為休美休復象
卑以自牧故勞謙有終虛以下仁故休復獲吉 象曰休復

之吉以下仁也 張氏栻曰易象未嘗言仁獨于復之二曰

乘之下 六三頻復厲无咎 王注頻頻蹙之貌處下體之終

仁象 而未復雖危无咎 復六三變明夷互坎坎為亟心為下首為

加憂頻復厲象坎為通无咎象巽九三互坎為頻巽與頻復象

同從知王注之確蓋比于初為休復遠于初為頻復也 象曰

休復者樂天知命故不憂頻復者困心橫慮而後作 象曰

頻復之厲義无咎也 六四中行獨復 復六四位

獨應震初震為 象曰中行獨復以從道也 彖參二言下

足中行獨復象 也四曰從道脩道以仁也 仁以友輔仁

震為大塗四從初從道象 六五敦復无悔 復六五居坤之

復无 悔象 象曰敦復无悔中以自考也 中謂居 上六迷

復凶有災眚用行師終有大敗以其國君凶至

于十年不克征

陳士元曰十者坤之極數故屯頤復互坤皆有十年之象 復上六居坤之極坤為

迷迷復凶象居兌兌為毀折災眚象坤為眾又師之上體迷失其所用行師終有大敗象坤為國伏乾乾為君以其國君凶象

坤為地地數十年十年象兌為坤決十年不克征象 象曰迷復之凶反君道也 貴君

明而象迷所以反君道

以反君道



乾上震下

无妄元亨利貞其匪正有眚不利有攸往

攸往

朱氏元曰无妄實理自然不參以人故不取係應史記謂无期望是也爻以陰為妄陽為无妄初陽純正為一

卦之主二有係故教之亦許其往者二之德中正也三匪正无

妄亦災四陽无應故无咎五中正而應二故以勿藥教之上匪

正應三為有眚故戒其行序卦傳復則不妄矣故受之以无妄

復雷在地中主平陽之反无妄雷行天下主平誠之通皆以乾

之一陽為主復初九為无妄之主震為動為健元亨利貞象九

五剛中應六二為正亦元亨利貞象上九不正應六四為妄匪

正有眚象互艮艮為止不利有攸往象

彖曰无妄剛自外來而為主于

內動而健剛中而應大亨以正天之命也其匪

正有眚不利有攸往无妄之往何之矣天命不

祐行矣哉王氏拱東曰无妄外乾之剛來主于內震之初象曰天下雷行物與

无妄先王以茂對時育萬物陳氏際泰曰復者體无妄者用故復則雷在地

中无妄則雷行天下蒙引物與无妄各正性命之理茂對時育參贊天地之宜復雷以時出不妄動物以時育不妄生天下雷

行物與无妄象震為敷為蕃鮮茂對時象乾為資始為大生育萬物象雷在地中復之始則商旅可以不行雷行天下妄已无

則育物期朱氏元曰震初九純陽為動以天不參以人至誠无妄卦所由初九无妄往吉

名故往則得吉 无妄初九居震震為足為動无妄往吉象象曰无妄之往得志也

六二不耕穫不菑畲則利有攸往何氏楷曰不方耕而即望

其穫不方菑而即望其畲即先事後得先難後獲之意 述意无妄六二震動巽入耕也震稼艮手穫也二在地上為田菑畲

也二以中虛無心而動耕不預望其穫苗不預望其畚必如是而後利往 无妄六二初九為離離為田耕穫苗畚象本與九五為應互艮艮為止无所期望不耕穫不苗畚象承互巽巽近利市三倍利有攸往象學也祿在其中仁義未嘗不利其象如此
象曰不耕穫未富也 无妄互巽巽近利市三倍富象六六二處下求富之望未富象六

三无妄之災或繫之牛行人之得邑人之災 无妄六三

與九四為坎坎為加憂无妄之災象六二得坤之中坤為牛牛象在下承互體之巽巽為繩直或繫之牛象初九震震為長男為動行人象與六二比行人之得象互艮艮為少男為止居坤坤為邑邑人象坎為桎桔邑人之災象惟其无妄故不言凶公冶長縲紲非其罪越石父知已贖以駢其此象與 **象曰行人得牛邑人災也** 息

之意慰无妄者 亦警无妄者 **九四可貞无咎** 本義陽剛乾體下无應與四下无係應亦屬无妄互 可固守而无咎 无妄九

艮艮為止可貞无咎象 **象曰可貞无咎固有之也**

九五无妄之疾勿藥有喜 无妄九五陽剛中正无妄象得坎中盡坎為心病无妄之

漢象下應六二居離離為火其味苦又為
口藥象乘互艮之上艮為止勿藥有喜象
象曰无妄之藥

不可試也

陽氏萬里曰泰以未富強試商鞅烏喙之藥晉以
未清虛試王衍甘遂之藥疾未已而身從之矣

上九无妄行有眚无攸利

蘭氏廷瑞曰无妄之初當動

當靜而動故行則有眚胡氏炳文曰无妄之災天實為匪正之
眚人自為无妄上九陽剛无妄象陽極下應六三之震震為

決躁以陽極而合決
躁行有眚无攸利象

象曰无妄之行窮之災也

䷘ 乾下
艮上

大畜利貞不家食吉利涉大川

朱氏元
曰大畜

以尚賢止健為義尚賢故陽道大行止健故二陰皆吉以五上
為主初利已二說輟二陽應陰而不溺陰三與上同德故利往
四五正受畜之爻六居四得正畜惡未成故元吉六居五不正
畜惡已形而亦吉上九大畜之功已成故曰道大行序卦傳有
无妄然後可畜故受之以大畜无妄天下雷行取乎陽之通誠
能動物也大畜天在山中取乎剛之止正以閑邪也六五居坤
坤利居貞利貞象上四合體為頤食象艮為門闕象象上九居
上為外之極近比六五為所尚之賢何天之衢應食君祿不家

食吉象九二得坎中畫坎為象曰大畜剛健篤實輝光

日新其德大畜乾為健剛健象艮為止篤實象六五上九為

德剛上而尚賢能止健大正也王氏拱東曰大畜上九以陽剛居上六五

以柔尊尚之郭氏懋孝曰不家食吉養賢也大畜以尚賢尊其位以養

賢厚利涉大川應乎天也坎象在乾六五應之象曰天在山中

大畜君子以多識前言往行以畜其德大畜乾下艮上天在

山中象山為寶藏貴若草木多前言往行象六五上九為難上

四畫象離離為文明為網羅為目為大腹多識前言往行象天

主德德象天在山中畜其德象九二妄者茂對之本故以育物為

亦多識前言往行以畜其德象九二妄者茂對之本故以育物為
仁大畜者多識之全故以畜德為知惟誠則明故剛健篤初
寶輝光日新其德惟明乃誠故多識前言往行以畜其德初
九有厲利已大畜初九上應六四六四與九三為坎坎為
加憂厲象六四居艮艮為止利已象申屠蟠

不遭黨禍管幼安遠
避遼東皆此象也
象曰有厲利己不犯災也 九

二輿說輶

朱氏元曰輶輶縛也與小畜九三輿說輶別彼象

已時不可進故能自止大畜九二得坎之中
坎于輿為多眚互兌兌為毀折輿說輶象

象曰輿說輶

中无尤也

中謂九二居中之德

九三良馬逐利艱貞日閑輿

衛利有攸往

彙參大畜取象馬牛豕皆人家所畜者取畜

月之日述義初戒其進二喜其不進三可進矣又恐其輕進君子之難進也如此夫 大畜九三得乾之三乾為良馬合初九九二皆馬上九為何天之衢互震為足為動良馬逐象九三乾惕利艱貞象上四畫象離離為日承六四之坤坤為輿離為戈兵互兌兌為講習日閑輿衛象與六四為坎坎為通利有攸往象王陽得路貢禹彈冠良馬逐也于皮師聽國僑執政輿衛閑也

象曰利有攸往上合志也

上謂上九爻多以陰陽相得為應俱陰俱陽為敵獨大畜

初九九二之陽不取應六四六五之陰以陽之德忌從陰也九三之陽取通上九以陽之德宜從陽也大畜畜德故論德不論

位也六四童牛之牯元吉

大畜六四得坤之初坤為牛坤初

止童牛之牯象為艮之始元吉象賈誼謂絕惡于未萌起教于微渺使民日遷善遠罪而不自知是也

象曰六

四元吉有喜也

喜為上九之陽所畜

六五積豕之牙吉

象參童牛之牯

防其漸積豕之牙相其機

大畜六五居離離為網罔以佃豕

象爾雅豕子豬獺積豕為豕之少者艮少震躁積豕象猶六四之童牛也牙找也艮為止木積豕之牙吉象猶六四童牛之牯

也舊說多牽述義最確今遵其說如此六四六五二爻皆以受上九之畜取象如周公之于成王童牛之牯也伊尹

之于太甲積豕之牙也孟子所謂畜君者好君也

象曰六

五之吉有慶也

慶為上九之陽所畜

上九何天之衢亨

大畜上九居乾

之極乾為天得艮之一陽艮為門闕乘震震為大途何天之衢亨象範遵王道之蕩詩頌卷阿之游其象如此

象曰

何天之衢道大行也

未失者睽之道無妨遇主于巷大行者畜之道悉變何天之衢



震下艮上

頤貞吉觀頤自求口實

朱氏元曰卦以養為義爻以頤為求

下以拂爲求上五上主卦天下由上而頤上尤主卦之主也下
三爻爲無位之人動而求上爲慕勢上三爻爲有位之人止而
求下爲養賢故下三爻宜止而不動序卦傳物畜然後可養故
受之以頤頤者養也大畜內健外艮取其畜之博頤內動外艮
取其養之純互坤坤利居貞貞吉象全體象離離爲目爲見觀
頤象離爲口頤亦爲口中虛求實艮爲手震爲足皆主求自求
口實

彖曰頤貞吉養正則吉也觀頤觀其所養也

自求口實觀其自養也天地養萬物聖人養賢

以及萬民頤之時大矣哉

王氏應麟曰蒙之養正索乎微頤之養正防乎著朱氏元

曰所養之人不爲私而爲公自養之事不以小而以大吳氏曰

慎曰自養私而小故凶養賢公而大故吉頤上下乾中坤乾

資始坤資生天地養萬物象相見乎離聖人南面而聽天下聖

人象難爲文明坤爲眾養賢以及萬民象觀求諸己曰觀我生

頤考諸己

日觀所養

象曰山下有雷頤君子以慎言語節飲

食

述義頤雷聲于震蟄于艮陽氣緘藏主養萬物言語飲食
時動而動必慎必節時止而止傅氏咸口銘百福從口出

百病從口入 頤雷動而有聲言語飲食象山止而不過慎言
語節飲食象家主反身故君子以言有物行有恆頤主養身故
君子以慎言語節飲食無欲速之意故飲
食取諸需防盡美之愆故飲食取諸節 初九舍爾靈龜

觀我朵頤凶 王注安身莫若不競脩己莫若自保守道則
福至求祿則辱來李氏兆賢曰初有剛德道

味自腴上應六四喪節從欲聖人設為四語初之辭以謹之蔡
中郎之于董卓其此象乎 頤初九外健中虛象離難為龜純

陽居下靈龜象動應六四之陰朵頤象不應動而動 象曰觀
舍爾靈龜觀我朵頤象孟子謂養小失大正此象也

我朵頤亦不足貴也 靈喪其靈 六二頤頤 拂經于

邱頤 句 征凶 頤六二居離為頤下比初九頤頤象離為文
明經象六五居艮艮為山邱象六二爻動上

從六五拂經于邱頤象下頤上拂俱征凶象錢號拔釘 象曰
頤而凶人名溫卷拂而凶故君子下交不瀆上交不諂

六二征凶行失類也 六二當位以居頤安 六三拂頤貞
動而凶亦爻之變例

凶十年勿用无攸利 頤六三處震動之極安應上九拂頤
貞凶象互坤坤為地地數十承艮艮

爲止十年勿用无攸利象

象曰十年勿用道大悖也

六四頤頤

吉虎視眈眈其欲逐逐无咎

述義二求人以養己故頤頤而凶四求賢以養人故

頤頤而吉經說龜節嗜養己爲貞虎節欲養賢斯吉頤六四下應初九頤頤吉象艮爲虎全體離離爲目爲見虎視眈眈象乘震震爲足其欲逐逐象求賢養民其應極正无咎象象曰頤頤之吉上施光也

六四居離在上應初上施光象

六五拂經居貞吉不可涉大川

頤六五居

離離爲文明經象資上養賢拂經象得坤之中居貞吉象艮爲止不可涉大川象

象曰居貞之吉

順以從上也

上九由頤厲吉利涉大川

頤上九居頤之

所止萬民由此而養由頤象乾二惕厲厲吉象變兌爲坎坎爲川爲通利涉大川象

象曰由頤厲吉

大有慶也

䷛

巽下

大過棟撓利有攸往亨

朱氏元曰大過陽過也位剛不如處

柔為善故以二四為卦主二居柔比初四居柔應初也卦以全體言本末皆弱故曰棟撓爻以德位與係應取象故三係上之柔為撓四應初之柔為隆序卦傳頤者養也不養則不可動故受之以大過頤全體象離主乎養身大過全體象坎主乎任重坎為棟初六上六俱柔木末弱棟撓象坎為通利有攸往亨象

彖曰大過大者過也棟撓本末弱也剛過而中巽而說行利有攸往乃

亨大過之時大矣哉

本義大過之時非有大過人之材不能濟也故歎其大

象曰

澤滅木大過君子以獨立不懼遯世无悶

朱氏元曰擔當

之才本之剛過而中故獨立不懼樂天之學本之巽行而說故遯世无悶葛氏懋哉曰君子求同理不求同俗故獨立不懼而其守過人求天知不求人知故遯世无悶而其量過人 大過木植澤中獨立不懼象澤流木外遯世无悶象思恆利在貞故不易者自立之本大過資乎養故不懼者獨立之真大有初者順天故揚善可以獲休大過者樂天故遯世可以无悶 初六藉用白茅无咎

錢氏一本曰枯者近之而回生撓者應之而降起象參肩重務者以細微為始

任大事者以小心爲基述義貴者藉用賤剛者藉用柔人君藉民任重可勝大過初六居巽之初巽爲陰木爲白上應九四以柔承剛藉用白茅无咎象姬旦公孫碩膚諸葛生平謹慎周漢之所藉也

象曰藉用白茅柔

在下也九二枯楊生稊老夫得其女妻无不利

利述義大過木近澤爲楊陽過故枯九居乾爲夫剛過故老

比初六近木本故生稊資柔德故得女妻大過九二居

巽巽爲木在大過澤滅木枯楊象伏震震爲蕃鮮生稊象爲長子老夫象應上體兌兌爲少女得其女妻象爲說无不利象

象曰老夫女妻過以相與也陽居其過九三棟撓

凶大過九三全體象坎坎爲棟應上六之柔柔能藉剛不能

繫剛棟撓凶象陳蕃欲去宦官遇漢桓帝之柔王涯欲去

宦官遇唐文宗之柔不凶何待象曰棟撓之凶不可以有輔也九

四棟隆吉有他吝大過九四全體象坎下應初六得柔之

藉棟隆吉象九以陽居四陰爲不當位

有他吝象王且相業卓然可象曰棟隆之吉不撓乎下

觀惟受天書之累其此象與

也 朱氏元曰下以柔承陰陽相濟 九五枯楊生華老婦得其士夫

无咎无譽 大過九五居兌兌為華澤枯楊生華象伏艮艮為少男士夫象下巽巽為長女老婦得其士夫象艮


為止无咎无譽象九五伏艮成蠱為女惑男故有老婦士夫之象九五當位以非正應象此亦爻之變例也 象曰

枯楊生華何可久也老婦士夫亦可醜也 上

六過涉滅頂凶无咎 大過上六居兌澤之極全體象坎涉象下應九三之剛乾為首頂象

上六過柔不足以濟兌為毀折為竭決過涉滅頂凶象應所當應无咎象千古臨大節不可奪者象正如此 象曰

過涉之凶不可咎也

 習坎有孚維心亨行有尙 朱氏元曰坎為險體惟剛可以

濟之五為卦主卦本陽陷陰中爻則陰陷而陽不陷序卦傳物不可以終過故受之以坎坎者陷也大過下巽上兌以剛藉柔著任重之宜坎內坎外坎以剛濟柔明涉險之道上下重險習坎象坎中實有孚象坎為心為通維心亨象互震行有尙象復

見天地之心道心惟微者可著坎象維亨之心人心惟危者可安

象曰習坎重險也水

流而不盈行險而不失其信維心亨乃以剛中

也行有尚往有功也天險不可升也地險山川

邱陵也王公設險以守其國險之時用大矣哉

坎下上三四虛水流而不盈象二五實行險而不失其信象九

五居中剛中象互震爲動上兌爲說往有功象九五居乾乾爲

天天險象互艮艮爲止不可升象錯坤坤爲地地險象艮爲山

坎爲川山川邱陵象乾爲君互震震爲侯王公象坤爲國艮爲

止設險以守其國象得人者古故頤養賢象曰水洊至習

以及萬民恃陋者凶故坎設險以守其國象曰水洊至習

坎君子以常德行習教事

坎洊至則不厭常德行象習坎則不倦習教事象坎中實

常德行者成己之仁坎爲

初六習坎入于坎窞凶

坎初六居

通習教事者成物之知

坎之下入于象曰習坎入坎失道凶也

九二坎

有險求小得

坎九二剛中未出上下二陰之險陰為小求小得象

象曰求小得

未出中也

六三來之坎坎險且枕入于坎窞

勿用

坎六三六四重險來之坎坎象六三枕六四險且枕入于坎窞象互艮艮為止勿用象

象曰來

之坎坎終无功也

六四樽酒簋贰用缶納約

自牖終无咎

何氏楷曰貳副也謂樽酒而副以簋也述義坎互震震為笑言故象約擇簡要之言因君

心之所明投之如自牖而納約 坎六四坎為水酒象互震震仰孟樽象簋文從艮互艮簋象六四得坤之初坤為缶用缶象納約謂納樽酒簋缶之禮以相約艮為門闕為手納約自牖象六四柔承九五之剛漸次出險終无咎象漢室之橐籥滹沱之麥飯其象如此惟公足以接物故同人象曰樽酒簋贰剛必出門惟誠堪以格君故納約可自牖

柔際也

以六四之柔際九五之剛

九五坎不盈祇既平无咎

象曰

坎不盈以其流也象傳水流而不盈是也不盈則通至于既平故无咎朱氏元曰坎六四爻折則水流行坎不盈象九五中實

祇既平象 坎九五將出于險坎不盈 象曰坎不盈中未

大也 上六係用徽纆寘于叢棘三歲不得凶

坎上六居坎之極坎為桎梏為叢棘係用徽纆寘于 象曰上

六失道凶三歲也

離上 離利貞亨畜牝牛吉 朱氏元曰離為乾卦體

主序卦傳陷必有所麗故受之以離離者麗也坎陽陷乎陰故 以險而得通離陰麗乎陽故以附而克顯坎中實斯誠無不孚 離中虛斯明無不照水火為乾坤之大用誠明乃聖學之統宗 也上下得坤之中畫坤利居貞利貞象中互坎坎為通亨象坤 為牛畜牝牛吉象坤以柔順見安貞故利 為牝馬離宜精明寓渾厚故利畜牝牛 彖曰離麗也日

月麗乎天百穀草木麗乎土重明以麗乎正乃 化成天下柔麗乎中正故亨是以畜牝牛吉也

離上九居乾之極乾為天六二六五居離離為日互坎坎為月
繫于上九日月麗乎天象六二六五屬坤坤為土互兌兌于地
為剛鹵乾為木果初九居震震為蕃鮮互巽巽為木九三上九
居艮艮為果窺于木為堅多節坎于木為堅多心百穀草木麗
乎土象六二六五重明二五正位乾坤天下巽入兌說艮成重
明以麗乎正乃化成天下象柔牝牛象麗乎中正畜牝牛吉象
坎剛中而往有功故德教可以常習
象曰明兩作離大人

以繼明照于四方

離離為日明象上下兩作繼明象坤為
方繼明照于四方象地有九川而脈脈

相通故曰習坎天無二日而旦旦明作故曰重離脩德益德習
之所以為常日新又新明之所以為繼晉以自昭明德明明德
于一身也離以明照則
初九履錯然敬之无咎 朱氏元
方明明德于天下也
離離初九亦取日出初行之象承六二折爻如路有歧錯然象
離性剛躁故以敬戒其初進 離初九得震震為足為決躁履
錯然象承互巽巽為敬順敬之
象曰履錯之敬以辟咎
无咎象于古始進以正者象此
也 朱氏元曰
敬則不錯
六二黃離元吉 離六二得坤之中坤為黃
日中之色亦黃黃離元吉

象質取兼山故无咎占平白賁
文昭麗日故元吉係平黃離
象曰黃離元吉得中道

也 九二日昃之離不鼓缶而歌則大耋之嗟

凶 離九三離為日居三日昃象坤為缶離中虛亦為缶離為

火歌聲屬火鼓缶而歌象互兌兌為口舌嗟象離處日昃
大耋之嗟象不
淫則傷凶象 象曰日昃之離何可久也 九四突

如其來如焚如死如棄如 離九四居震震為決躁迫于

如其來如象離為火互兌兌為毀折為坵決焚如死如棄如象
五代興亡多象此不獨羸政項籍也躁謹于初故敬戒錯然之

履剛防乎迫故 象曰突如其來如無所容也 六五

焚懼突如其來 象曰突如其來如無所容也 六五

出涕沱若戚嗟若吉 離六五互兌兌為澤出涕沱若象為

明皇德宗 象曰六五之吉離王公也 陳氏士元曰五柔
皆是如此 為九四強臣所迫
然得吉者以五上相麗耳五
王上公可用出征以誅九四

上九王用出征有嘉折首

獲匪其醜无咎

李氏兆賢曰夏書殲厥渠魁脅從罔治此之謂也述義火屬禮故有嘉離上九切

近六五六五當王者之位用上九以出征離為甲冑為戈兵用出師象乾為首兌為附決為說有嘉折首象上九屬艮艮為止獲匪其醜无咎象陶侃之誅蘇峻李晟之討朱泚象此象曰王用出征以正邦也

易象通義卷二終

陳凌校字

丁禧瀚覆校

李心地覆校

丁兆松續校